

柳田文庫
文庫11
D 303
29



文庫 11
D 303
29

明史卷一百十八

列傳第六

柳田泉文序

總裁官總理事務 經筵講官保兼太子保保和殿學士兼管吏部戶部尚書加級張廷玉等奉

敕修

諸王三

太祖諸子三

岷王榘

谷王德

韓王松

瀋王模

安王楹

唐王桎

輔國將軍字浹

鄂王棟


伊王模

皇子楠

明史卷一百十八

列傳

一



48-10991

010190567627

靖江王守謙

興宗諸子

虞王雄英

吳王允燧

衡王允燧

徐王允燧

惠帝諸子

太子文奎

少子文圭

成祖諸子

高煦

趙王高燧

高熾

岷莊王榷太祖第十八子洪武二十四年封國岷州二

十八年以雲南新附宜親王鎮撫改雲南有司請營宮殿帝令暫居櫻亭俟民力稍紓後作建文元年西平侯沐晟奏其過廢為庶人徙漳州永樂初復王與晟交惡帝賜書諭榷而詔戒晟榷沉湎廢禮擅收諸司印信殺戮吏民帝怒奪冊寶尋念王建文中久幽繫復予之而榷不悛六年削其護衛罷官屬洪熙元年徙武岡寄居州治久之始建王邸景泰元年薨子恭王徽燦嗣初世子徽燦宣德初訐其弟鎮南王徽燦誹謗仁廟宣宗疑其詐並召至京及所連闡豎面質事果誣斬闡豎而遣徽燦等歸徽燦嗣位弟廣通王徽燦有勇力家人段友

洪以技術得寵致仕後軍都事于利賓言徽燦有異相當主天下遂謀亂作偽敕分遣友洪及蒙能陳添行入苗中誘諸苗以銀印金幣使發兵攻武岡苗首楊文伯等不敢受事覺友洪爲徽燦所執都御史李實以聞遣駙馬都尉焦敬中官李琮徵徽燦入京師湖廣總督王來總兵官梁瑤復發陽宗王徽燦通謀狀亦徵入皆除爵幽高牆時景泰二年十月也天順七年徽燦薨子順王音堃嗣病瘋痺屢年不起次子安昌王膺鋪侍醫藥晨夕不去左右憲宗聞之賜敕嘉獎成化十六年音堃薨世子膺鈺居喪飲博無度承奉劉忠禁制之遂殺忠

事聞驗實革冠帶停封居四年乃嗣弘治十三年薨諡曰簡子靖王彥汰嗣嘉靖四年與弟南安王彥泥訂陰事彥泥廢爲庶人彥汰亦坐抗制擅權革爵八年令世子譽榮攝府事譽榮上疏懇辭謂臣坐享尊榮而父困苦寂寞臣心何安且前曾舉臣弟善化王譽桔廷議以子無制父理奏寢不行臣亦人子也獨不愧臣弟乎帝覽疏憐之下部議十二年賜彥汰冠帶理府事十五年以兩宮徽號恩復王又八年始薨子康王譽榮嗣三十年薨子憲王定耀嗣三十四年薨曾孫禋洪天啓二年嗣崇禎元年薨無子從父企鐙嗣十六年流賊陷武

岡遇害

谷王穗太祖第十九子洪武二十四年封二十八年三月就藩宣府宣府上谷地故曰谷王燕兵起穗走還京師及燕師渡江穗奉命守金川門登城望見成祖麾蓋開門迎降成祖德之卽位賜穗樂七奏衛士三百賚子甚厚改封長沙增歲祿二千石穗居國橫甚忠誠伯茹瑄過長沙不謁穗穗白之帝瑄得罪死遂益驕肆奪民田侵公稅殺無罪人長史虞廷綱數誅誣廷綱誹謗磔殺之招匿亡命習兵法戰陣造戰艦弓弩器械大創佛寺度僧千人爲咒詛日與都指揮張成宦者吳智劉信

謀呼成師尙父智信國老令公僞引讖書云我高皇帝十八子與讖合穗行次十九以趙王杞早卒故云謀於元夕獻燈選壯士教之音樂同入禁中伺隙爲變又致書蜀王爲隱語欲結蜀爲援蜀王貽書切責不聽已而蜀王子崇寧王悅燻得罪逃穗所穗因詭衆往年我開金川門出建文君今在邸中我將爲申大義事發有日矣蜀王聞之上變告初護衛都督僉事張興見穗爲不法懼禍及因奏事北京白其狀帝不信興過南京復啓於太子且曰乞他日無連坐至是帝歎曰朕待穗厚張興常爲朕言不忍信今果然立命中官持敕諭穗歸悅

燔於蜀且召德入朝德至帝示以蜀王章伏地請死諸大臣廷劾德曰周戮管蔡漢辟潁長皆大義滅親陛下縱念德奈天下何帝曰德朕弟朕且令諸兄弟議永樂十五年正月周王橚楚王楨蜀王椿等各上議德違祖訓謀不軌蹤跡甚著大逆不道誅無赦帝曰諸王羣臣奉大義國法固爾吾寧生德於是及二子皆廢爲庶人官屬多誅死興以先發不坐

韓憲王松太祖第二子洪武二十四年封國開原性英敏通古今恭謹無過永樂五年薨以未之國命葬安德門外十年子恭王冲威嗣時棄大寧三衛地開原逼塞不可居二十二年改封平涼仁宗卽位召冲威與弟襄陵王冲炆樂平王冲炘入朝各獻詩頌帝嘉悅賜金幣有差宣宗初請徙江南不許請蠲護衛屯租建邸第許之遣主事毛俊經度竝建襄陵樂平二邸及岷州廣福寺陝西守臣言歲歉請輟工帝令繕王宮罷建寺役平涼接邊徼間謀充斥冲炆習邊鄙利弊正統元年上書極言邊事賜書褒答五年薨子懷王範圯嗣九年薨弟靖王範埡嗣景泰元年薨子惠王徵針嗣初土木之變冲炆赴京師勤王會解嚴下書慰勞及成化六年寇入河套冲炆復請率子壻擊賊憲宗止之冲炆兄弟竝

急王事以藩禁嚴不用自是宗臣無預兵事者成化五年徵鈇薨子悼王偕流嗣十年薨弟康王偕濬嗣弘治十四年薨子昭王旭樞嗣性忠孝工詩居藩有惠政韓土瘠祿薄弟建寧王旭椿至以所受金冊質於宗室偕洪事聞廢爲庶人諸貧宗往往凌劫有司平涼知府吳世長鄜衍任守德王松先後被窘辱嘉靖十三年旭樞薨子定王融燧嗣懲宗室之橫頗繩以法不逞者怨之三十二年襄陵王融焚及諸宗二百餘人訐奏王奸利事勘無實革融焚等祿四十四年融燧薨子謨典先卒世宗末年以宗祿不足詔身不及王者許其嫡長子繼

王餘子如故秩謨典以世子不及王王其長子朗錡餘子止鎮國將軍萬曆三十四年朗錡薨諡曰端子孫皆早卒曾孫亶培嗣崇禎十六年賊陷平涼被執襄陵王冲焮憲王第二子有至性母病到股和藥病良已及卒終喪毀瘠每展墓必率子孫躬畚鍤培冢先後壘書褒美者六子範址服其教母荆罹危疾亦刲股進之愈其後五世同居門內雍肅嘉靖十一年賚以羊酒文幣韓諸王以襄陵家法爲第一王孫徵鑣病卒聘杜氏女未婚歸王家志操甚厲詔賜旌表

藩簡王模太祖第二十一子洪武二十四年封永樂六

年就藩潞州宣德六年薨子康王佶焯嗣景泰中數與州官置酒大會巡撫朱鑑以聞帝令諸王非時令壽節不得輒與有司讌飲著爲令天順元年薨子莊王幼學嗣正德十一年薨子恭王詮鉦嗣嘉靖六年薨孫允楨攝府事九年卒無子再從弟憲王允棖攝府事凡十年乃嗣封當是時藩府諸郡王勛消詮鏞竝爭襲帝皆切責之而令允棖嗣二十八年薨子宣王恬燧嗣好學工古文詞審聲律弟安慶王恬胤鎮康王恬焯穆宗時皆以孝義旌萬曆十年恬燧薨子定王珪堯嗣仁孝恭慎第六人封郡王者一餘例不得封朝廷獎王恭皆封郡

王而不與祿薨子效德嗣明亡國除沁水王珪堯簡王七世孫也工詩喜士名譽藉甚前此有德平王允挺負雋才與衡府新樂王載聖周宗人睦樛俊紫等齊名又清源王幼圻康王第三子博學能文詞其後輔國將軍勲漣從子允杉允枏允岳及鎮國將軍恬焄與諸子珪折等並以能詩名時稱藩藩多才焉

安惠王楹太祖第二十二子洪武二十四年封永樂六年就藩平涼十五年薨無子封除府僚及樂戶悉罷留典仗校尉百人守園洪熙初韓恭王改封平涼就安王邸英宗令官校隸韓長史供安王祀暇日給韓王子襄

陵王冲焮使令景泰五年冲焮遂乞承安王祀正德十
二年嗣襄陵王徵鈐請樂戶祀安王明年樂平王徵鋹
援徵鈐例以請禮部言親王有樂戶郡王別城居者有
事假鼓吹於有司其附親王國者假樂戶於長史司因
竝革安王供祀樂戶嘉靖二年韓王旭樾復爲代請帝
以安王故報可之徵鈐卒韓王融燧令長史革之徵鈐
長孫旭樾上言禮樂自天子出韓王不宜擅予奪融燧
亦言親王郡王禮樂宜有降殺帝曰樂戶爲安王祀也
給如故

唐定王經太祖第二十三子洪武二十四年封永樂六
年就藩南陽十三年薨子靖王瓊姪嗣綜薨有矩獲爲
成祖所喜入朝五日三召見宣德元年薨妃高氏未册
自經以殉詔封靖王妃無子弟憲王瓊烜嗣成化十一
年薨子莊王芝址嗣諸弟三城王芝堦蕩陰王芝堦竝
好學有令譽而承休王芝垠憲王繼妃焦氏子也妃愛
之遇節且召樂婦入宮芝址詰之語不遜焦妃怒持鐵
錐擊宮門芝址閉不敢出芝垠與妃弟環誣王詈繼母
按驗不實得芝垠慢母詈兄狀革爵久之始復二十一
年芝址薨子成王彌錦嗣弘治中疏言朝廷待親藩生
爵歿諡親親至矣間有惡未敗聞歿獲美諡是使善者

怠惡者肆也自今宜勸實用萬彰輝禮臣請降敕獎諭
 勉厲諸王詔可武宗喜遊幸彌錡作憂國詩且上疏以
 用賢圖治為言第文城王彌錡有學行孝友篤至嘉靖
 二年彌錡薨無子彌錡子敬王宇溫嗣二十一年獻金
 助太廟工賜玉帶益祿二百石時承休王芝垠子彌振
 以父與莊王交訐失令名折節蓋前愆宇溫上其事璽
 書褒獎三十九年宇溫薨子順王宙祿嗣四十三年薨
 子端王碩熿嗣惑於嬖人囚世子器盛及其子聿鍵於
 承奉司器盛中毒死崇禎五年碩熿薨聿鍵嗣七年流
 賊大熾蠲金築南陽城又援潞藩例乞增兵三千人不

許九年秋八月京師戒嚴倡義勤王詔切責勸還國事
 定下部議廢為庶人幽之鳳陽第聿鍵嗣十四年李自
 成陷南陽聿鍵遇害十七年京師陷福王由崧立於南
 京乃赦聿鍵出
 大清順治二年五月南都降聿鍵行至杭遇鎮江總兵
 官鄭鴻達戶部郎中蘇觀生遂奉入閩南安伯鄭芝龍
 巡撫都御史張肯堂與禮部尚書黃道周等定議奉王
 稱監國閏六月丁未遂立於福州號隆武改福州為天
 興府進芝龍鴻達為侯封鄭芝豹鄭彩為伯觀生道周
 俱大學士肯堂為兵部尚書餘拜官有差聿鍵好學通

典故然權在鄭氏不能有所爲是年八月芝龍議簡戰
守兵二十餘萬計餉不支其半請預借兩稅一年令羣
下捐俸勸紳士輸助徵府縣銀穀未解者官吏督迫閩
里騷然又廣開事例猶苦不足仙霞嶺守關兵僅數百
人皆不堪用聿鍵屢促芝龍出兵輒以餉詘辭久之芝
龍知衆論不平乃請以鴻遠出浙東彩出江西各擁兵
數千號數萬旣行託候餉皆行百里而還先是黃道周
知芝龍無意出師自請行從廣信趨婺源兵潰死事詳
道周傳是時李自成兵敗走死通山其兄子李錦帥衆
降於湖廣總督何騰蛟一時增兵十餘萬侍郎楊廷麟

祭酒劉同升起兵復吉安臨江於是廷麟等請聿鍵出
江右騰蛟請出湖南原任知州金堡言騰蛟可恃芝龍
不可恃宜棄閩就楚聿鍵大喜授堡給事中遣觀生先
行募兵先是靖江王嘉亨僭稱監國不奉聿鍵命爲巡
撫瞿式耜等所擒以捷聞而魯王以海又稱監國於紹
興拒聿鍵使者故聿鍵決意出江西湖廣十二月發福
州駐建寧廣東布政湯來賀運餉十萬由海道至明年
二月駐延平三月
大清兵取吉安撫州圍楊廷麟於贛州尚書郭維經出
閩募兵援贛六月

大兵克紹興魯王以海遁入海閩中大震芝龍假言海
寇至徹兵回安平鎮航海去守關將士皆隨之仙霞嶺
空無一人七月何騰蛟遣使迎聿鍵將至韶州唯時我
兵已抵閩關守浦城御史鄭為虹給事中黃大鵬延平
知府王士和死焉八月聿鍵出走數日方至汀州
大兵奄至從官奔散與如曾氏俱被執如至九瀧投於
水聿鍵死於福州給事中熊緯尚書曹學佺通政使馬
思禮等自縊死

郢靖王棟太祖第二十四子洪武二十四年封永樂六
年之藩安陸十二年薨無子封除留內外官校守園王

如郭氏武定侯英女王薨踰月如慟哭曰未亡人無子
尚誰恃引鏡寫容付宮人曰俟諸女長令識母遂自經
如四女一天其二女封光化穀城南漳郡主歲祿各八
百石宣德四年以郢故邸封如王瞻埒移郢宮人居南
京

伊厲王橈太祖第二十五子洪武二十一年生生四年
封永樂六年之藩洛陽歲祿二千石王好武不樂居
宮中時時挾彈露劍馳逐郊外奔避不及者手擊之髡
裸男女以為笑樂十二年薨禮臣請追削封爵不許二
十二年子簡王頤煥始得嗣縱中官擾民洛陽人苦之

河南知府李驥稍持以法誣奏驥被逮治已而得白罪
王左右英宗時上表文不恭屢被譴讓天順六年薨世
孫悼王誕釗嗣成化十一年薨弟定王誕鏐嗣好學崇
禮居喪哀毀歲時祀先致齋於外郡王諸將軍中尉非
慶賀不褻見民間高年者禮下之正德三年薨子莊王
訐淵嗣嘉靖五年薨弟敬王訐淳嗣居母喪以孝聞以
祿薄上言先朝以河南課鈔萬七千七百貫准祿米八
千石八年革諸王請乞租稅伊府課鈔亦在革中乞補
祿戶部言課鈔本成弘開請乞非永樂時欽賜比河南
一省缺祿者八十餘萬宜不許帝從部議二十一年薨

世子典樸嗣貪而愎多持官吏短長不如指必搆之去
既去復折辱之御史行部過北部山外樸要笞之縉紳
往來率紆途取他境經郭外者府中人輒追挽其車嘗
其不朝入朝者復辱以非禮府牆壞請更築乃奪取民
舍以廣其宮郎中陳大壯與邸鄰索其居不與使數十
人從大壯卧起奪其飲食竟至餓死所爲宮崇臺連城
擬帝闕有錦衣官校之陝者經洛陽典樸忽召官屬迎
詔鼓吹擁錦衣入捧一黃卷入宮衆請開讀曰密詔也
遂趣錦衣去錦衣謂王厚待之不知所以其夜大張樂
至曙府中皆呼千歲詐謂天子特親我也閉河南府城

大選民間子女七百餘留其姝麗者九十人不中選者
令以金贖都御史張永明御史林澗給事中邱岳相繼
言其罪狀再遣使往勸革祿三之二令壞所僭造宮城
歸民間女執羣小付有司典橫不奉詔部牒促之布政
使持牒入見模曰牒何爲者可用障橛耳四十二年二
月撫按官以聞詔禮部會三法司議僉謂典橫淫暴無
藩臣禮陛下曲赦再四終不洵改奸回日甚宜如徽王
載瑜故事禁錮高牆削除世封詔從其議與子褒熾俱
安置開封

皇子楠太祖第二十六子洪武

十六年生踰月薨

靖江王守謙太祖從孫父文正南昌王子也當太祖起
兵時南昌王前死妻王氏攜文正依太祖太祖高后撫
如己子比長涉獵傳記饒勇畧隨渡江取集慶路已有
功授樞密院同僉太祖從容問若欲何官文正對曰叔
父成大業何患不富貴爵賞先私親何以服衆太祖喜
其言益愛之太祖爲吳王命爲大都督節制中外諸軍
事及再定江西以洪都重鎮屏翰西南非骨肉重臣莫
能守乃命文正統元帥趙得勝等鎮其地儒士郭之章
劉仲服爲叅謀文正增城浚池招集山寨未附者號令
明肅遠近震懾居無何友諒帥舟師六十萬圍洪都文

正數摧其鋒堅守八十有五日城壞復完者數十丈友諒旁掠吉安臨江俘其守將徇城下不爲動太祖親帥兵來援友諒乃解去與太祖相拒於彭蠡友諒掠糧都昌文正遣方亮焚其舟糧道絕友諒遂敗復遣何文輝等討平未附州縣江西之平文正功居多太祖還京告廟飲至賜常遇春廖永忠及諸將士金帛甚厚念文正前言知大體錫功尚有待也而文正不能無少望性素下急至是暴怒遂失常度任椽吏衛可達奪部中子女按察使李飲冰奏其驕侈觖望太祖遣使詰責文正懼飲冰益言其有異志太祖卽白登舟至城下遣人召之

文正倉卒出迎太祖數曰汝何爲者遂載與俱歸欲竟其事高后力解之曰兒特性剛耳無他也免官安置桐城未幾卒飲冰亦以他事伏誅文正之被謫也守謙甫四歲太祖撫其頂曰兒無恐爾父倍訓教貽我憂我終不以爾父故廢爾育之宮中守謙幼名鐵柱吳元年以諸子命名告廟更名煒洪武三年更名守謙封靖江王祿視郡王官屬親王之半命耆儒趙壘爲長史傅之旣長之藩桂林桂林有元順帝潛邸改爲王宮上表謝太祖敕其從臣曰從孫幼而遠鎮西南其善導之守謙知書而好比羣小粵人怨咨召還戒諭之守謙作詩怨望

帝怒廢爲庶人居鳳陽七年復其爵徙鎮雲南使其妃
弟徐溥同往賜書戒飭語極摯切守謙暴橫如故名還
使再居鳳陽復以強取牧馬錮之京師二十五年卒子
贊儀幼命爲世子三十年春遣省晉燕周楚齊蜀湘代
肅遼慶谷秦十三王自湘楚入蜀歷陝西抵河南山西
北平東至大寧遼陽還自山東使知親親之義熟山川
險易習勞苦贊儀恭慎好學永樂元年復之國桂林使
蕭用道爲長史用道善輔導贊儀亦敬禮之六年薨諡
曰悼僖子莊簡王佐敬嗣初給銀印宣德中改用金塗
正統初與其弟奉國將軍佐敏相訐奏語連大學士陽

榮帝怒戍其使人成化五年薨子相承先卒孫昭和王
規裕嗣弘治二年薨子端懿王約麒嗣以孝謹聞正德
十一年薨子安肅王經扶嗣好學有儉德嘗爲敬義箴
嘉靖四年薨子恭惠王邦寧嗣與巡按御史徐南金相
訐奏奪祿米罪其官枝隆慶六年薨子康僖王任昌嗣
萬曆十年薨子溫裕王履燾嗣二十年薨無子從父憲
定王任晟嗣三十八年薨子榮穆王履祜嗣薨子亨嘉
嗣李自成陷京師後自稱監國於廣西爲巡撫瞿式耜
所誅時唐王聿鍵在福建奏捷焉

興宗五子后常氏生虞懷王雄英吳王允燧呂后生惠

帝衡王允燧徐王允熿

虞懷王雄英與宗長子太祖嫡長孫也洪武十五年五月薨年八歲追加封諡

吳王允燧與宗第三子建文元年封國杭州未之藩成祖卽位降爲廣澤王居漳州未幾召還京廢爲庶人錮鳳陽永樂十五年卒

衡王允燧與宗第四子建文元年封成祖降爲懷恩王居建昌與允燧俱召還錮鳳陽先後卒

徐王允熿與宗第五子建文元年封成祖降爲敷惠王隨母呂太后居懿文陵永樂二年下詔改甌寧王奉太

子祀四年十一月邸中火暴薨諡曰哀簡

憲帝二子俱馬后生

太子文奎建文元年立爲皇太子燕師入七歲矣莫知所終

少子文圭年二歲成祖入幽之中都廣安宮號爲建庶人英宗復辟憐庶人無罪久繫欲釋之左右或以爲不可帝曰有天命者任自爲之大學士李賢贊曰此堯舜之心也遂請於太后命內臣牛玉往出之聽居鳳陽婚娶出入使自便與鬪者二十人婢妾十餘人給使令文圭孩提被幽至是年五十七矣未幾卒

成祖四子仁宗漢王高煦趙王高燧俱文皇后生高熾
未詳所生母

漢王高煦成祖第二子性凶悍洪武時召諸王子學於
京師高煦不肯學言動輕佻爲太祖所惡及太祖崩成
祖遣仁宗及高煦入臨京師舅徐輝祖以其無賴密戒
之不聽盜輝祖善馬徑渡江馳歸途中輒殺民吏至涿
州又擊殺驛丞於是朝臣舉以責燕成祖起兵仁宗居
守高煦從嘗爲軍鋒白溝河之戰成祖幾爲瞿能所及
高煦帥精騎數千直前決戰斬能父子於陣及成祖東
昌之敗張玉戰死成祖隻身走適高煦引師至擊退南

軍徐輝祖敗燕兵於浦子口高煦引蕃騎來成祖大喜
曰吾力疲矣兒當鼓勇再戰高煦麾蕃騎力戰南軍遂
却成祖屢瀕於危而轉敗爲功者高煦力爲多成祖以
爲類已高煦亦以此自負恃功驕恣多不法成祖卽位
命將兵往開平備邊時議建儲淇國公邱福駙馬王寧
善高煦時時稱高煦功高幾奪嫡成祖卒以元子仁賢
且太祖所立而高煦又多過失不果永樂二年仁宗立
爲太子封高煦漢王國雲南高煦曰我何罪斥萬里不
肯行從成祖巡北京力請竝其子歸南京成祖不得已
聽之請得天策衛爲護衛輒以唐太宗自比已復乘間

請益兩護衛所爲益恣成祖嘗命同仁宗謁孝陵仁宗體肥重且足疾兩中使掖之行恒失足高煦從後言曰前人蹉跌後人知警時宣宗爲皇太孫在後應聲曰更有後人知警也高煦回顧失色高煦長七尺餘輕趨善騎射兩腋若龍鱗者數片既負其雄武又每從北征在成祖左右時媒孽東宮事譖解縉至死黃淮等皆繫獄十三年五月改封青州又不欲行成祖始疑之賜敕曰既受藩封豈可常居京邸前以雲南遠憚行今封青州又託故欲留侍前後殆非實意茲命更不可辭然高煦遷延自如私選各衛健士又募兵三千人不隸籍兵部

縱使劫掠兵馬指揮徐野驢擒治之高煦怒手鐵爪過殺野驢衆莫敢言遂僭用乘輿器物成祖聞之怒十四年十月還南京盡得其不法數十事切責之褫冠服囚繫西華門內將廢爲庶人仁宗涕泣力救乃削兩護衛誅其左右狎驪諸人明年三月徙封樂安州趣卽日行高煦至樂安怨望異謀益急仁宗數以書戒不悛成祖北征晏駕高煦子瞻圻在北京覲朝廷事馳報一晝夜六七行高煦亦日遣人潛伺京師幸有變仁宗知之顧益厚遇遺書召至增歲祿賜賚萬計仍命歸藩封其長子爲世子餘皆郡王先是瞻圻怨父殺其母屢發父過

惡成祖曰爾父子何忍也至是高煦入朝悉上瞻圻前後覘報中朝事仁宗召示瞻圻曰汝處父子兄弟間讒構至此穉子不足誅遣守鳳陽皇陵未幾仁宗崩宣宗自南京奔喪高煦謀伏兵邀於路倉卒不果及帝卽位賜高煦及趙王視他府特厚高煦日有請竝陳利國安民四事帝命有司施行仍復書謝之因語羣臣曰皇祖嘗諭皇考謂叔有異志宜備之然皇考待之極厚如今所言果出於誠則是舊心已革可不順從凡有求請皆曲徇其意高煦益自肆宣德元年八月遂反遣其親信枚青等潛至京師約舊功臣爲內應英國公張輔執之

以聞時高煦已約山直都指揮靳榮等又散弓刀旂幟於衛所盡奪傍郡縣玄馬立五軍指揮王斌領前軍韋達左軍千戶盛堅右軍知州朱恒後軍諸子各監一軍高煦自將中軍世子瞻坦居守指揮韋弘韋興千戶王玉李智領四哨部署已定僞授王斌朱恒等太師都督尚書等官御史李濬以父喪家居高煦招之不從變姓名間道詣京師上變帝猶不忍加兵遣中官侯泰賜高煦書泰至高煦盛兵見泰南面坐大言曰永樂中僞讒削我護衛徙我樂安仁宗徙以金帛餌我我豈能鬱鬱居此汝歸報急縛奸臣夏原吉等來徐議我所欲泰懼

唯唯而已比還帝問漢王何言治兵何如秦皆不敢以實對是月高煦遣百戶陳剛進疏更爲書與公侯大臣多所指斥帝歎曰漢王果反乃議遣陽武侯薛祿將兵往討大學士楊榮等勸帝親征帝是之張輔奏曰高煦素懦願假臣兵二萬擒獻闕下帝曰卿誠足擒賊顧朕初卽位小人或懷二心不親行不足安反側於是車駕發京師過楊村馬上顧從臣曰度高煦討安出或對曰必先取濟南爲巢窟或對曰彼曩不肯離南京今必引兵南下帝曰不然遠至南雖近未易攻闕大軍至亦不暇攻護衛軍家舉安以內顧不肯徑趨南京高煦外誇詐

內實怯臨事狐疑不能斷今敢反者輕朕年少新立衆心未附不能親征耳今聞朕行已蹉落敢出戰乎至卽擒矣高煦初聞祿等將兵攘臂大喜以爲易與及聞親征始懼時有從樂安來歸者帝厚賞之令還諭其衆仍遺書高煦曰張敖失國始於貫高淮南被誅成於伍被今六師歷境王卽出倡謀者朕與王除過恩禮如初不然一戰成擒或以王爲奇貨縛以來獻悔無及矣前鋒至樂安高煦約詰日出戰帝令大軍蓐食兼行駐蹕樂安城北壁其四門賊乘城守王師發神機銃箭聲震如雷諸將請卽攻城帝不許再敕諭高煦皆不答城中人

多欲執獻高煦者高煦大懼乃密遣人詣行幄願假今
夕訣妻子卽出歸罪帝許之是夜高煦盡焚兵器及通
逆謀書明日帝移蹕樂安城南高煦將出城王斌等力
止曰寧一戰死無爲人擒高煦給斌等復入宮遂潛從
間道出見帝羣臣請正典刑不允以劾章示之高煦頓
首言臣罪萬萬死惟陛下命帝令高煦爲書召諸子餘
黨悉就擒赦城中罪助從者不問命薛祿及尚書張本
鎮撫樂安改曰武定川遂班師廢高煦父子爲庶人築
室西安門內錮之王斌等皆伏誅惟長史李默以嘗諫
免死謫口北爲民天津青州滄州山西諸都督指揮約

舉城應者事覺相繼誅凡六百四十餘人其故縱與藏
匿生死成邊者一千五百餘人編邊氓者七百二十人
帝製東征記以示羣臣高煦及諸子相繼皆死
趙簡王高燧成祖第三子永樂二年封尋命居北京詔
有司政務皆啟王後行歲時朝京師辭歸太子輒送之
江東驛高燧恃寵多行不法又與漢王高煦謀奪嫡時
時譖太子於是太子宫寮多得罪七年帝聞其不法事
大怒誅其長史顧晟褫高燧冠服以太子力解得免擇
國子司業趙亨道董子莊爲長史輔導之高燧稍改行
二十一年五月帝不豫護衛指揮孟賢等結欽天監官

王射成及內侍楊慶養子造偽詔謀進毒於帝俟晏駕
詔從中下廢太子立趙王總蒞王瑜姻家高以正者爲
賢等畫謀謀定告瑜瑜上變帝曰豈應有此立捕賢得
爲僞詔賢等皆伏誅陞瑜遼海衛千戶帝顧高燧曰爾
爲之耶高燧大懼不能言太子力爲之解曰此下人所
爲高燧必不與知自是益斂戢仁宗卽位加漢趙二王
歲祿二萬石明年之國彰德離常山左右二護衛宣宗
卽位賜田園八十頃帝擒高煦歸至單橋尚書陳山迎
駕言曰趙王與高煦共謀逆久矣宜移兵彰德擒趙王
否則趙王反側不自安異日復方聖憲帝未決時惟楊
士奇以爲不可山復邀尚書廷義夏原吉共請帝曰先
帝友愛二叔甚漢王自絕於天朕不敢赦趙王反形未
著朕不忍負先帝也及高煦土京亦言嘗遣人與趙通
謀戶部主事李儀請削其護備尚書張本亦以爲言帝
不聽旣而言者益衆明年帝以其詞及羣臣章遣駙馬
都尉廣平侯袁容持示高燧燧大懼乃請還常山中
護衛及羣牧所儀衛司官校帝命收其所還護衛而與
儀衛司宣德六年薨子惠王瞻塙嗣景泰五年薨子悼
王祈鑑嗣天順四年薨子靖王見濟嗣惠王悼王皆頗
有過失至見濟惡尤甚屢賊殺人又嘗乘醉欲殺其叔

父成化十二年事聞詔奪祿米三之二去冠服戴民巾
讀書習禮其後二年見潯母妣李氏爲之請得冠服如
故見潯卒不能改愛幼子祐楨遂誣長子祐楨以大逆
復被詔誚讓弘治十五年薨子莊王祐楨嗣正德十三
年薨子康王厚煜嗣事祖母楊妃以孝聞嘉靖七年六
月璽書褒予明年冬境內大饑厚煜上疏請辭祿一千
石以佐振帝嘉王憂國詔有司發粟不允所辭及帝南
巡厚煜遠出迎命益祿三百石厚煜性和厚構一樓名
思訓嘗獨居讀書文藻瞻瞻宗人輔國將軍祐楨等數
犯法與有司爲難厚煜庇祐楨祐楨卒得罪竝見責讓
其後有司益務以事裁抑諸宗洛川王翊鏞奴與通判
出時兩之隸爭瓜而毆時兩捕王奴厚煜請解不得竟
論奴充軍未幾宗室數十人索祿時兩以宗室毆府官
自於上官知府傅汝礪盡捕各府人厚煜由是忿恚竟
自縊死三十九年十月也厚煜子成梟王載堉疏聞於
朝下法司按問時兩斬河南市汝礪戍極邊厚煜子載
培及載培子翊鏞皆前卒翊鏞子穆王常清嗣以善行
見旌萬曆四十二年薨世子由松前卒弟壽光王由桂
子慈懌嗣薨無子穆王弟常浪嗣崇禎十七年彰德陷
被執

婚時

子慈鄉編張無子慈王會常與編崇無十子爭漳新留
景凱萬觀四十二爭襲世子由慈節卒會壽次王由林
許父輝部子限繼者前卒限繼子慈王常與編以善行
博才志行對問却雨神何南市慈無父輝變皇恩子輝
自益孫三十代爭十月也皇恩子與泉王輝與編間以
自然止官收風制文無蓋誰各保人皇恩由景念表賞
備以京軍未選宗室幾十人索編得雨以宗室豐我
出邦而之縣卒及而編得雨許王效皇恩請罷不許京
兵對官何益益以事幾時請宗室以王限繼文與編候

明史卷一百十九

列傳第七

總裁官總理事務 經筵講官少保兼太子太保和殿大學士兼管軍器局尚書加六級張廷玉等奉

救修

諸王

仁宗諸子

鄭王瞻埈

盧江王載堙

越王瞻墉

蘄王瞻垠

襄王瞻墉

棗陽王祐德

荆王瞻楨

淮王瞻墉

滕王瞻埈

梁王瞻垠

衛王瞻埈

英宗諸子

德王見麟

許王見淳

秀王見澍

崇王見澤

吉王見浚

忻王見治

徽王見沛

景帝子

懷獻太子見濟

憲宗諸子

悼恭太子祐極

岐王祐楡

益王祐楨

衡王祐楫

新羅王載璽

雍王祐榑

壽王祐楸

汝王祐栲

涇王祐楸

榮王祐樞

申王祐楷

孝宗子

蔚王厚煒

仁宗十子昭皇后生宣宗越王瞻墉襄王瞻墉李賢妃
生鄭王瞻垓蘄王瞻垓淮王瞻垓張順妃生荆王瞻垓
郭貴妃生滕王瞻垓梁王瞻垓衛王瞻垓
鄭靖王瞻垓仁宗第二子永樂二十二年九月封仁宗
崩皇后命與襄王監國以待宣宗宣德元年帝征樂安

仍命與襄王居守四年就藩鳳翔正統八年詔遷懷慶
留京邸明年之國瞻峻暴厲數斃人杖下英宗以御史
周瑛爲長史稍戢成化二年薨子簡王祁鏐嗣祁鏐之
爲世子也襄王朝京師經新鄉祁鏐不請命遣長史往
迎英宗聞之不悅賜書責讓及嗣王多不法又待世子
寡恩長史江萬程諫被責辱萬程以聞帝遣英國公張
懋太監王允中齎敕往諭始上書謝罪弘治八年薨世
子見滋母韓妃不爲祁鏐所禮見滋懼絕先卒子康王
祐杅嗣正德二年薨無子從弟懿王祐樞嗣十六年薨
子恭王厚烷嗣世宗幸承天厚烷迎謁於新鄉加祿三

燕石疏奏母閤太妃貞孝事蹟詔付史館其後帝修齋
燕諸王爭遣使進香厚烷獨不遣嘉靖二十七年七月
遣書請帝修德講學進居敬窮理克己存誠四箴演連
珠十章以神仙土木爲規諫語切直帝怒下其使者於
獄詔目前宗室有謗訕者置不治茲復效尤王今之西
伯也欲爲爲之後二年而有祐樞之事厚烷遂獲罪初
祁鏐有子十人世子見滋次孟津王見滋次東垣王見
湏見滋母有寵於祁鏐規奪嫡不得竊世子金冊以去
祁鏐索之急因怨不復朝所爲益不法祁鏐言之憲宗
革爲庶人及康王薨無子見滋子祐樞應及以前罪廢

乃立東垣王子祐樞至是祐樞求復郡王爵怨厚焮不
爲奏乘帝怒撫厚焮四十罪以叛逆告詔駮馬中官卽
訊還報反無驗治宮室名號擬乘輿則有之帝怒曰厚
焮訕朕躬在國驕傲無禮大不道削爵錮之鳳陽隆慶
元年復王爵增祿四百石厚焮自少至老布衣蔬食世
子載堦篤學有至性痛父非罪見繫築土室宮門外席
藁獨處者十九年厚焮還邸始入宮萬曆十九年厚焮
薨載堦曰鄭宗之序盟津爲長前王見濬旣錫蓋復爵
矣爵宜歸盟津後累疏懇辭禮臣言載堦唯深執讓節
然嗣鄭王已三世無中更理宜以載堦子翊錫嗣載堦
執奏如初乃以祐樞之孫載璽嗣而令載堦及翊錫以
世子世孫祿終其身子孫仍封東垣王二十二年正月
載堦上疏請宗室皆得儒服就試毋論中外職中式者
視才品器使詔允行明年又上曆算歲差之法及所著
樂律書考辨詳確識者稱之卒諡端清崇禎中載璽子
翊鍾以罪賜死國除廬江王載堦簡王元孫也崇禎十
七年二月賊陷懷慶載堦整冠服端坐堂上賊至被執
欲屈之厲聲曰吾天朝藩王肯降汝逆賊耶詬罵不屈
遇害賊執其長子翊榘擁之北行三月過定興於旅店
作絕命詞遂不食死

明史卷二百九 列傳 四
越靖王瞻墉仁宗第三子永樂二十二年封衢州未之藩宣宗賜以昌平莊田正統四年薨妃吳氏殉諡貞惠無後

漸獻王瞻垠仁宗第四子初封靜樂王永樂十九年薨諡莊獻仁宗卽位追加封諡無後

襄獻王瞻埜仁宗第五子永樂二十二年封莊敬有令譽宣德四年就藩長沙正統元年徙襄陽英宗北狩諸王中瞻埜最長且賢衆望頗屬太后命取襄國金符入宮不果召瞻埜上書請立皇長子令郕王監國募勇智士迎車駕書至景帝立數日矣英宗還京師居南內又

上書景帝宜旦夕省膳問安率羣臣朔望見無忘恭順英宗復辟石亨等誣于謙王文有迎立外藩語帝頗疑瞻埜久之從宮中得瞻埜所上二書而襄國金符固在太后閣中乃賜書召瞻埜比二書於金滕入朝宴便殿避席請曰臣過沐沐父老遮道言按察使王槃賢以誣逮詔獄願皇上加察帝立出槃命爲大理卿詔設襄陽護衛命有司爲王營壽藏及歸帝親送至午門外握手泣別瞻埜遂巡再拜帝曰叔父欲何言頓首曰萬方望治如饑渴願省刑薄斂帝拱謝曰敬受教日送出端門乃還四年復入朝命百官朝王於邸詔王詣昌平謁三

陵及辭歸禮送加隆且敕王歲時與諸子得出城遊獵
蓋異數也六年又召以老辭歲時存問禮遇之隆諸藩
所未有成化十四年薨子定王祁鏞嗣弘治元年薨子
簡王見淑嗣三年薨子懷王祐材嗣好鷹犬蓄善馬往
返南陽八百里日猶未晡妃父并海誘使殺人孝宗戒
諭成海及其左右祐材好道術賜予無節又嘗與興邸
爭地連逮七十餘家獄久不決大理卿汪綸兩解之乃
得已十七年薨弟康王祐檣嗣亦好道術嘉靖二十九
年薨無子從子莊王厚頰由陽山王嗣定王曾孫也時
王邸災先世蓄積一空厚頰折節爲恭儉節祿以餉邊
進金助三殿工兩賜書幣事嫡母王太妃及生母潘太
妃以孝聞潘卒殯之東偏王太妃曰汝母有子社稷是
賴無以我故避正寢厚頰泣曰臣不敢以非禮加臣母
及葬跣足扶襯五十里士大夫過襄者皆爲韋布交四
十五年薨子靖王載堯嗣萬曆二十三年薨子翊銘嗣
崇禎十四年張獻忠陷襄陽遇害初大學士楊嗣昌之
視師也以襄陽爲軍府增堞浚隍貯五省餉金及弓刀
火器是年二月獻忠邀殺嗣昌使於道奪其符驗以數
十騎給入襄城夜半火作遲明賊大至執翊銘南城樓
屬卮酒曰王無罪王死嗣昌得以死償王遂殺王及貴

陽王常法火城樓焚其屍賊去僅拾顱骨數寸妃妾輩死者四十三人福清王常澄進賢王常淦走免事聞帝震悼命所司備喪禮諡曰忠王嗣昌朝惠王於荊州謁者謝之曰先生惠顧寡人願先之襄陽謂襄城之破罪在嗣昌也十七年以常澄嗣襄王寄居九江後徙汀州不知所終棗陽王祐楸憲王曾孫也材武善文章博涉星曆醫卜之書嘉靖初上書請考輿獻帝世宗以其議發自宗人足厭服羣心褒之更請除宗人祿使以四民業自爲生賢者用射策應科第廢不行時襄王祐楸病廢不事事承子邵亨挾權自恣至捶死鎮寧王舅祐楸

誘致之挾其目帝遣大理少卿袁宗儒偕中官錦衣往訊亨論死祐楸坐奪爵帝幸承天念祐楸前疏復之荆憲王瞻堀仁宗第六子永樂二十二年封宣德四年就藩建昌宮中有巨蛇蜿蜒自梁垂地或僉王座瞻堀大懼請徙正統十年徙蘄州景泰二年上書請朝上皇不許四年薨子靖王祁鎬嗣天順五年薨子見肅嗣靖王三子長見瀟次都梁王見溥樊山王見潒見瀟與見溥同母怨母之睚見溥也錮母奪其衣食竟死出柩於竇召見溥入後園箠殺之給其妃何氏入宮逼淫之從弟都昌王見潭妻茹氏美求通焉見潭母馬氏防之嚴

見瀟髡馬氏鞭之囊土壓見潭死械繫茆妃入宮嘗集
惡少年輕騎微服涉漢水掠人妻女見潏懼其及也密
聞於孝宗召至京帝御文華門命廷臣會鞠見瀟引伏
廢爲庶人錮西內居二年見瀟從西內撫奏見潏罪誣
其與楚府永安王謀不軌帝遣使往按問不實見潏更
奏見瀟嘗私造弓弩與子祐柄有異謀驗之實賜見瀟
死廢祐柄而以見溥子祐櫛嗣爲荆王時弘治七年也
十七年薨諡曰和子端王厚焜嗣性謙和銳意典籍嘉
靖中病辭祿不允令富順王厚焜攝朝謁厚焜和王第
二子與弟永新王厚熜以能詩善畫名厚焜子永定王

載盛長厚焜即謝攝事人尤以爲賢嘉靖三十二年厚
焜薨載盛已前卒其子恭王翊鉅嗣荆自靖王諸子交
惡失令譽及厚焜兄弟感先世家難以禮讓訓飭宗人
見潏曾孫載岑尤折節恭謹以文行稱郡王女例請祿
於朝載岑四女皆妻士人不請封嘗上應詔正禮二疏
不報讀易窮理著大隱山人集子翊鉅表載岑賢以訓諸
子諸子不率教世子常洽尤殘恣翊鉅言於朝革爲庶
人隆慶四年翊鉅薨次子常清嗣萬曆四年薨無子弟
康王常益由安城王嗣萬曆二十五年薨子定王由樊

嗣天啓二年薨子慈襄嗣崇禎時流賊革裏眼左金王
詭降於楚帥慈襄欲與爲好召宴盛陳女樂十六年正
月張獻忠陷蘄州慈襄先一月薨賊圍王宮盡掠其所
見妓樂去

淮靖王瞻墺仁宗第七子永樂二十二年封宣德四年
就藩韶州英宗卽位之十月以韶多瘴癘正統元年徙
饒州正統十一年薨子康王祁銓嗣弘治十五年薨世
子見濂早卒無子從子定王祐棨嗣游戲無度左右倚
勢暴橫境內苦之長史莊典以輔導失職自免詔不許
推官汪文盛數持王府事有顧嵩者病狂持刀斧入王

門官校執詰之謬言出汪指使典白之守臣鎮守太監
黎安嘗以事至饒從騎入端禮門被撻銜祐棨甚先是
祐棨有名琴曰天風環珮寧王宸濠求之不得又求濱
湖地不與至是熈安奏祐棨過失及文盛被誣事詔下
撫按訊安與宸濠謀不待報遽繫典及府中官校鞠之
典辭倨宸濠箠之斃獄中他所連坐甚衆於是祐棨奏
安挾仇殺典庇嵩帝遣都御史金獻民太監張欽往按
治祐棨畏宸濠不能自明欽等復言祐棨信奸徒爲暴
請嚴戒之軍校坐戍者二十餘人典寃竟不白嘉靖三
年祐棨薨無子弟莊王祐楨嗣十六年薨子憲王厚燾

嗣四十二年薨子恭王載堦嗣萬曆五年薨弟順王載
堅嗣二十三年薨子翊錕嗣翊錕之末王也與妓王愛
狎冒妾額入宮且令撫庶子常洪爲子陳妃與世子常
清俱失愛潛謀易嫡御史陳王道以理論王出之外舍
常洪遂與宗人翊鏞等謀夜入王宮盜冊寶資貨以出
守臣上其事主愛論死勒常洪自盡翊鏞等削屬籍永
錮奪翊錕四歲祿久之薨子常清嗣國亡不知所終
滕懷王瞻塏仁宗第八子永樂二十二年封雲南未之
國洪熙元年薨無後

梁莊王瞻垵仁宗第九子永樂二十二年封宣德初詔
鄭越襄荆淮五王歲給鈔五萬貫惟梁倍之四年就藩
安陸故郢邸也襄王瞻憲自長沙徙襄陽道安陸與瞻
垵留連不忍去瀕別瞻垵慟曰兄弟不復更相見奈何
左右皆泣下正統元年言府卑濕乞更爽塏地帝詔郢
中歲歉俟有秋理之竟不果六年薨無子封除梁故得
郢田宅園湖後皆賜襄王及睿宗封安陸盡得郢梁邸
田供二王祠祀

衛恭王瞻埏仁宗第十子永樂二十二年封懷慶幼善
病宣宗撫愛之未就藩歲時謁陵皆命攝祀孝謹好學
以賢聞正統三年薨妃楊氏殉賜諡貞烈無子封除

英宗九子周太后生憲宗崇王見澤萬宸妃生德王見
潸及皇子見湜吉王見浚忻王見治王惠妃生許王見
淳高淑妃生秀王見樹韋德妃生徽王見沛

德莊王見潸英宗第二子初名見清景泰三年封榮王
天順元年三月復東宮同日封德秀崇吉四王歲祿各
萬石初國德州改濟南成化三年就藩請得齊漢二庶
人所遺東昌兗州閒田及白雲景陽廣平三湖地憲宗
悉予之復請業南旺湖以漕渠故不許又請漢庶人舊
牧馬地知府趙璜言地歸民墾供稅賦已久不宜奪帝
從之正德初詔王府莊田畝徵銀三分歲爲常見潸奏

初兗州莊田歲畝三千升獨清河一縣成化中用少
卿宋晏議歲畝五升若如新詔臣將無以自給戶部執
山東水旱相仍百姓凋敝宜如詔帝曰王何患貧其勿
許十二年薨子懿王祐榕嗣嘉靖中戶部議覈王府所
請山場湖陂斷自宣德以後者皆還官詔允行於是山
東巡撫都御史邵錫奏德府莊田俱在革中與祐榕相
訐奏錫持之益急儀衛司軍額千七百人逃絕者以餘
丁補錫謂非制檄濟南知府楊撫籍諸補充者勿與餉
軍校大譁毀府門詔逮問長史楊穀楊孟法戍儀衛副
薛寧及軍校陶榮論王守候度母狗羣小滋多事議者

請錫故激致其罪不盡祐榕過云此十一年八月事至
十八年涇徽二王復請得所革莊田祐榕援以爲請詔
仍與三湖地使自徵其課其年薨孫恭王載澄嗣萬曆
二年薨子定王翊鎰嗣十六年薨子常濤嗣崇禎五年
薨世子由樞嗣十二年正月

大清兵克濟南見執

見熈英宗第三子早卒復辟後不復追贈

許悼王見淳英宗第四子景泰三年封明年薨禮臣請
用親王禮葬帝以王幼殺其制

秀懷王見熈英宗第五子生於南宮天順元年封成化

六年就藩汝寧長史劉誠獻千秋日鑿錄見澍劄文誦
之就藩時慮途中擾民令併日行王居隘左右請遷文
廟廣之見澍不聽曰居近學宮時聞絃頌聲顧不美乎
論書至西伯戡黎長史誠主吳氏說曰戡黎者武王也
右長史趙銳主孔氏說曰實文王事爭之失色見澍曰
經義未有定論不嫌往復今若此非先皇帝簡二先生
意也成化八年薨無子封除

崇簡王見澤英宗第六子生於南宮天順元年封成化
十年就藩汝寧故秀邸也弘治八年七月皇太后春秋
高思一見王帝特敕召之禮部尚書倪岳言數年來三

王之國道路供億民力殫竭今召王復來往返勞費兼水溢旱蝗舟車所經恐有他虞親王入朝雖有故事自宣德來已解舉行英宗復辟襄王奉詔來朝雖篤敦叙之恩實塞疑讒之隙非故事也大學士徐溥亦以爲言帝重違太后意不允旣而言官交章及之乃已十八年薨子靖王祚榕嗣正德六年薨子恭王厚燿嗣三王並有賢名而靖王尤孝友嘉靖十六年厚燿薨子莊王載境嗣三十六年薨子端王翊鏞嗣萬曆三十八年薨孫由楨嗣崇禎十五年閏十一月李自成陷汝寧執由楨去僞封襄陽作令諭降州縣之未下者由楨不從殺之

於泌陽城弟河陽王由材世子慈輝等皆遇害

吉簡王見浚英宗第七子生於南宮天順元年封特甫正歲成化十三年就藩長沙刻先聖圖及尚書於嶽麓書院以授學者嘉靖六年薨孫定王厚焜嗣請湘潭商稅益邸租不許十八年薨子端王載均由光化王嗣四十年薨子莊王翊鎮嗣隆慶四年薨無子庶瓦宣王翊鑾由龍陽王嗣萬曆四十六年薨孫由棟嗣崇禎九年薨子慈燿嗣十六年張獻忠入湖南同惠王走衡州隨入粵國亡後死於緬甸

忻穆王見治英宗第八子成化二年封未就藩八年薨

無後

徽莊王見沛英宗第九子成化二年封十七年就藩鈞州承奉司自置吏左布政使徐恪革之見沛以聞憲宗書諭王置吏非制也恪無罪正德元年薨子簡王祐橐嗣嘉靖四年薨子恭王厚熹嗣二十九年薨子浦城王載瑜嗣初厚熹好琴斲琴者與知州陳吉交惡厚熹庇之劾吉逮詔獄都御史駱昂仙史王三聘白吉寃帝怒并逮之昂杖死三聘吉俱或邊議者不直厚熹時方士陶仲文有寵於世宗厚熹厚結之仲文具言王忠敬奉道帝喜封厚熹太清輔元宣化真人予金印及載瑜嗣

王益以奉道自媚於帝命館其父真人印南陽人梁高輔自言能導引服食載瑜用其術和藥命高輔因仲文以進帝封高輔通妙真人載瑜清微教輔化忠孝真人載瑜遂益恣壞民屋作臺榭苑園庫官王章諫杖殺之嘗微服之揚州鳳陽為邏者所獲羈留三月走歸時高輔被上寵不復親載瑜載瑜銜之已而為帝取藥不得求載瑜傳所蓄者載瑜不與而與仲文高輔大恨乘間言載瑜私往南中與他過失帝疑之奪真人印仲文知覺已成不復敢言三十五年有民耿安者奏載瑜奪其女下按治有司因發其諸不法事獄成降為庶人錮

高牆時載瑜居宮中所司防守嚴獄詞不得聞及帝遣
內臣同撫按至始太懼登樓望龍亭後有紅板輿歎曰
吾不能自明徒生奚爲遂自縊死妃沈氏次妃林氏爭
取帛自縊子安陽王翊綺萬善王翊鈞并革爵及未封
子女皆遷開封聽周王約束國除

景皇帝一子

懷獻太子見濟母杭妃始爲郕王世子英宗北狩皇太
后命立憲宗爲皇太子而以郕王監國及郕王卽位心
欲以見濟代太子而難於發皇后汪氏又力以爲不可
遲回久之太監王誠舒良爲帝謀先大學士陳循高

穀百金侍郎江淵王一寧蕭鎡學士商輅半之用以緘
其口然猶未發也會廣西土官都指揮使黃玠以私怨
戕其弟恩明知府瑠滅其家所司聞於朝玠懼罪急遣
千戶袁洪走京師上疏勸帝早與親信大臣密定大計
易建東宮以一中外之心絕覬覦之望疏入景帝大喜
亟下廷臣會議且令釋玠罪進階都督時景泰三年四
月也疏下之明日禮部尚書胡濙侍郎薩琦鄒幹集文
武羣臣廷議衆相顧莫敢發言惟都給事中李侃林聰
御史朱英以爲不可吏部尚書王直亦有難色司禮太
監興安厲聲曰此事不可已卽以爲不可者勿署名無

持兩端羣臣皆唯唯署議於是澗等暨魏國公徐承宗
寧陽侯陳懋安遠侯柳溥石清侯石亨成安侯郭晟定
西侯蔣琬駙馬都尉薛桓襄城伯李瑾武進伯朱瑛平
鄉伯陳輔安鄉伯張寧都督孫鏗張軌楊俊都督司知
田禮范廣過興衛穎都督僉事張輓劉深張通郭瑛劉
鑑張義錦衣衛指揮同知畢旺曹敬指揮僉事林福吏
部尚書王直戶部尚書文淵閣大學士陳循工部尚書
東閣大學士高穀吏部尚書何文淵戶部尚書金濂兵
部尚書于謙刑部尚書俞士悅左都御史王文王翱楊
善吏部侍郎江淵俞山頂文耀戶部侍郎劉中敷沈翼

蕭鐵禮部侍郎王一寧兵部侍郎李賢刑部侍郎周瑄
工部侍郎趙榮張敏通政使李琦通政欒懌王復參議
馮貫諸寺卿蕭維禎許彬蔣守約齊整李賓少卿張固
習嘉言李宗周蔚能陳誠黃士備張翔齊政寺丞李茂
李希安柴望鄺鏞楊詢王溢翰林學士商輅六科都給
事中李讚李侃李春蘇霖林聰張文質十三道御史王
震朱英涂謙丁泰亨強弘劉琚陸厚原傑嚴樞沈義楊
宜王驥左鼎上言陛下膺天明命中興邦家統緒之傳
宜歸聖子黃玠奏是制曰可禮部具儀擇日以聞即日
簡置東宮官公孤詹事僚屬悉備五月廢汪后立杭妃

明史卷一百九 列傳 十一
為皇后更封太子為沂王立見濟為太子詔曰天佑下
民作之君實遺安於四海父有天下傳之子斯本固於
萬年大赦天下令百官朔望朝太子賜諸親王公主邊
鎮文武內外羣臣又加賜陳循高穀江淵王一寧蕭鑑
商輅各黃金五十兩四年二月乙未太子冠十一月以
御史張鵬言簡東宮師傅講讀官越四日太子薨諡曰
懷獻葬西山天順元年降稱懷獻世子諸建議易儲者
皆得罪

憲宗十四子萬貴妃生皇第一子栢資妃生悼恭太子
祐極紀太后生孝宗邵太后生興獻帝祐杭岐王祐綸
雍王祐樞張德妃生益王祐指衡王祐輝汝王祐棹姚
安妃生壽王祐楛楊恭妃生汪王祐楫申王祐楷潘端
妃生榮王祐樞王敬妃生皇第十子第一子第十子皆
未名殤
悼恭太子祐極憲宗次子成化七年立為皇太子薨
岐惠王祐綸憲宗第五子成化二十三年與益衡雍三
王同日封弘治八年之藩德安十四年薨無子封除
益端王祐楨憲宗第六子弘治八年之藩建昌故荆邸
也性儉約巾服澣至再日一素食好書史愛民重士無
所侵擾嘉靖十八年薨子莊王厚燼嗣性朴素外物無

所嗜二十五年薨無子弟恭王厚炫嗣自奉益儉辭祿
二千石萬曆五年薨孫宣王翊翎嗣嗜結客厚炫所積
府藏悉斥以招賓從通聘問於諸藩不數年頓盡三十
一年薨子敬王常漣嗣四十三年薨子由本嗣國亡竄
閩中

衡恭王祐揮憲宗第七子弘治十二年之藩青州嘉靖
十七年薨子莊王厚燦嗣嘗辭祿五千石以贍宗室宗
人德之隆慶六年薨子康王載圭嗣萬曆七年薨無子
弟安王載封嗣十四年薨子定三翎獲嗣二十年薨子
常漣嗣新樂王載壘恭王孫也博雅善文辭索諸藩所

奏疏得數十程梓而行也又撰洪武聖政頌皇明政要
諸書多可傳者從父高唐王厚煥齊東王厚炳皆以博
學篤行聞嘉靖中賜敕獎諭者再

雍靖王祐檉憲宗第八子初封保寧弘治十二年之藩
衡州地卑濕宮殿朽敗不可居邸中數有異乞移山東
東平州廷臣以擇地別建勞民傷財四川叙州有申王
故府宜徙居之詔可旣而以道遠不可徙正德二年地
裂宮室壞王薨無子封除

壽定王祐楛憲宗第九子弘治四年與汝涇榮申四王
同日封十一年就藩保寧正德元年以岐王世絕改就

岐邸於德安校尉橫攬市民知府李重抑之奏逮重安
陸民劉鵬隨重詣大理對簿重未之識也訝之鵬曰太
守仁爲民受過民皆得効死豈待識乎重卒得白祐楮
聞而悔之後以賢聞嘉靖二十四年薨無子除封
汝安王祐棹憲宗第十一子弘治十四年之藩衛輝正
德十五年請預支食鹽十年爲婚費詔別給長蘆鹽二
千引食鹽如故世宗南巡迓於途甚恭加祿五百石錫
金幣嘉靖二十年薨無子封除
涇簡王祐楫憲宗第十二子弘治十五年之藩沂州嘉
靖十六年薨子厚烱未封而卒無子封除

榮莊王祐樞憲宗第十三子正德初尚留京邸乞霸州
信安鎮田故牧地也部臣言三永樂中設立草場蕃育馬
匹以資武備至成化中近侍始陳乞爲莊後岐壽二府
相沿莫之改正暨孝宗皇帝留神戎務清理還屯不以
私廢公也今榮王就國有期以請宜勿與三年之藩常
德祐樞狀貌類高帝居國稍驕縱世宗詔以沅江西港
天心園坪河泊稅入王邸嘉靖十八年薨孫恭王載堦
嗣萬曆二十三年薨子翊鈺嗣四十年薨子常滾嗣薨
子憲王由枵嗣薨子慈炤嗣張獻忠入湖南奉母妃姚
氏走辰溪不知所終

申懿王祐楷憲宗第十四子封叙州未就藩弘治十六年薨無子封除

孝宗二子武宗蔚王厚煒俱張皇后生

蔚悼王厚煒孝宗次子生三歲薨追加封諡

明史卷一百十九終
西以資海論至無外中設制以制之
計安道由為建世特引直示樂中時立
薛公也今榮王煒國內
薛公莫之如五豐
薛公莫之如五豐

明史卷一百十九

列傳第八

總裁官總理事務經筵講官保兼太子太保和學士兼管戶部尚書事加六級張廷玉奏

敕修

諸王五

世宗諸子

哀冲太子載基

景王載圳

戚王載壘

均王載坂

穆宗諸子

莊敬太子載壑

穎王載壘

薊王載壘

憲懷太子翊鈇

靖王翊鈇

潞王翊鏐

神宗諸子

邠王常淑

福王常瀾

沅王常治

瑞王常保

卬王常潤

桂王常瀛

光宗諸子

簡王由楨

齊王由澄

懷王由楨

瀟王由楨

惠王由楨

修武王由楨

熹宗諸子

懷冲太子慈然

悼懷太子慈瓘

獻懷太子慈炆

莊烈帝諸子

太子慈烜

懷王慈烜

定王慈炯

永王慈烜

悼靈王慈煥

悼懷王

世宗八子 貴妃生哀冲太子載基 王貴妃生莊敬太子載壑 杜太后生穆宗 盧靖妃生景王載圳 江肅妃生顯王載堉 趙懿妃生戚王載壘 陳雍妃生薊王載墮 趙

明史卷一百二十一 列傳 二
榮妃生均王載坻

哀冲太子載基世宗第一子生二月而殤

莊敬太子載壑世宗第二子嘉靖八年世宗將南巡立
爲皇太子甫四歲命監國以大學士夏言爲傅尚書霍
韜郎中鄒守益獻東宮聖學圖冊疑爲謗訕幾獲罪帝
旣得方士段朝用思習修攝術諭禮部具皇太子監國
儀太僕卿楊最諫杖死監國之議亦罷贊善羅洪先趙
時春唐順之請太子出閣講學文華殿皆削籍太廟成
命太子攝祀二十八年三月行冠禮越二日薨帝命與
哀冲太子竝建寢園歲時祭祀從諸陵後

景恭王載坻世宗第四子嘉靖十八年冊立太子同日
封穆宗裕王載坻景王其後太子薨廷臣言裕王次當
立帝以前太子不永遲之晚信方士語二王皆不得見
載坻旣與裕王竝出邸居處衣服無別載坻年少左右
懷窺覲語漸聞中外頗有異論四十年之國德安居四
年薨帝謂大學士徐階曰此子素謀奪嫡今死矣初載
坻之藩多請莊田部議給之荊州沙市不在請中中使
責市租知府徐學謨執不與又取薪稅於漢陽之劉家
壩推官吳宗周持之皆獲譴其他土田湖陂侵入者數
萬頃王無子歸葬西山妃妾皆還居京邸封除

穎塲王載卓世宗第五子生未踰月殤

戚懷王載墜世宗第六子

薊哀王載墮世宗第七子

均思王載珮世宗第八子三王俱未踰歲殤追加封諡

穆宗四子李皇后生憲懷太子翊鈇孝定太后生神宗

潞王翊鏐其靖王翊鈐母氏無考

憲懷太子翊鈇穆宗長子生五歲薨諡裕世子隆慶元

年追諡

靖悼王翊鈐穆宗第二子生未踰年殤諡懿曰王隆慶

元年追加封諡

潞簡王翊鏐穆宗第四子隆慶二年生生四歲而封萬

曆十七年之藩衛輝初翊鏐以帝母弟居京邸王出居

莊徧畿內比之藩悉以還宮遂以內臣司之皇店皇莊

自此益侈翊鏐居藩多請贍困食鹽無不應者其後福

藩遂緣為故事明初親王歲祿外置給草場牧地間有

以廢壤河灘請者多不及千頃部臣得執奏不盡從也

景王就藩時賜予槩裁省楚地曠多間田詔悉予之景

藩除潞得景故籍田多至四萬頃部臣無以難至福王

常洵之國版籍更定民力益絀尺寸皆奪之民間海內

騷然論者推原事始頗以翊鏐為口實云翊鏐好文性

勤飭恒以歲入輸之朝助工助邊無所惜帝益善之四十二年皇太后哀問至翊鏐悲慟廢寢食未幾薨世子常澆幼母妃李氏理藩事時福王奏請輒取中旨帝於王妃奏亦從中下示無異同部臣言王妃奏陳四事如軍校月糧之當給發義和店之預防侵奪義所當許至歲祿之欲先給王莊之欲更設則不當許且於王無絲豪益一中人日魚肉小民飽私囊將來本支千億請索日頻盡天府之版章給王邸而不足也不報四十六年常澆嗣崇禎中流賊擾秦晉河北常澆疏告急言衛輝城卑土惡請選護衛三千人助守捐歲入萬金資

餉不煩司農朝廷嘉之盜發王妃塚常澆上言賊延蔓漸及江北鳳泗陵寢可虞宜早行勦滅一諸藩中能急國難者惟周潞二王云後賊躡中州常澆流寓於杭順治二年六月降於我

大清

神宗八子王太后生光宗鄭貴妃生福王常洵沅王常治周端妃生瑞王常浩李貴妃生惠王常潤桂王常其邠王常淑永思王常溥母氏無考

邠哀王常淑神宗第二子生一歲薨

福恭王常洵神宗第三子初王皇后無子王妃生長子

是爲光宗常洵次之母。貴妃最幸，帝久不立太子，中外疑貴妃謀立己子。交章言其事，竄謫相踵而言者不止。帝深厭苦之。二十九年始立。光宗爲太子，而封常洵福王，婚費至三十萬，營洛陽邸第至二十八萬，十倍常制。廷臣請王之藩者數十百，奏不報。至四十二年始令就藩。先是海內全盛，帝所遣稅使，曠使遍天下，月有進奉明珠異寶、文毳錦綺，山積他搜括，贏羨億萬計。至是多以資常洵。臨行出宮門，召還數四期，以三歲一人朝。下詔賜莊田四萬頃，所司力爭，洵亦奏辭得減半。中州腴土不足取，山東湖廣田益，又奏乞故大學士張

居正所沒產，及江都至太平沿江諸州之稅，並四川鹽井權茶銀，以自益。佯讓承奉諸官，假是歲爲名，乘傳出入河南、北、齊、楚間，所至騷動。又請准鹽平三，引設店，洛陽與民市中，使至淮揚支鹽，乾沒要求，輒數倍。而中州舊食河東鹽，以改食淮鹽，故禁非王肆所出，不得鬻河東。洵不行，邊餉由此絀。廷臣請改給王鹽於河東，且無與民市，弗聽。帝深居久羣，臣章奏率不省。獨福藩使通籍中左門，一日數請朝，上夕報可。四方姦人亡命，探風旨，走利，中是者終萬曆之世。及崇禎時，常洵地近，廷禮之常洵，日閉閣飲醇酒，所好惟婦

明史卷一百一十 列傳 六
女倡樂秦中流賊起河南大旱蝗人相食民間藉藉謂
先帝耗天下以肥王洛陽宮於大內援兵過洛者墮言
王府金錢百萬而令吾輩枵腹死賊手南京兵部尚書
呂維祺方家居聞之懼以利害告常洵不爲意十三年
冬李白成連陷永寧宜陽明年正月參政王蔭昌帥衆
警備總兵官王紹禹副將劉見義羅泰各引兵一常洵
召三將入賜宴加禮越數日賊大至攻城常洵
募勇士繼而出用矛入賊營賊稍却夜半紹禹親軍從
城上呼賊相笑語揮刀殺守堞者燒城樓開北門納賊
常洵縋城出匿迎恩寺翌日賊跡而執之遂遇害兩承

奉伏尸哭賊粹之去承奉呼曰王死某不願生乞一棺
收王骨蓋粉無所恨賊義而許之桐棺一寸載以斷車
兩人卽其旁自縊死王妃鄒氏及世子由崧走懷慶賊
火王宮三日不絕事聞帝震悼輟朝三日令河南有司
改殯十六年秋七月由崧襲封帝親擇宮中寶玉帶賜
之明年三月京師失守由崧與潞王常澆俱避賊至淮
安四月鳳陽總督馬士英等迎由崧入南京庚寅稱監
國以兵部尚書史可法戶部尚書高弘圖及士英俱爲
大學士士英仍督鳳陽軍務壬寅自立於南京僞號弘
光史可法督師江北召士英入分淮揚鳳廬爲四鎮以

總兵官黃得功劉良佐劉澤清高傑領之由崧性闇弱
湛於酒色聲伎委任士英及士英黨阮大鍼擢至兵部
尚書巡閱江防二人口以鬻官爵報私憾爲事事詳諸
臣傳中未幾有王之明者詐稱蒞烈帝太子下之獄又
有婦童氏自稱由崧妃亦下獄於是中外譁然明年三
月南寧侯左良玉舉兵武昌以救太子誅士英爲名順
流東下阮大鍼黃得功等帥師禦之而移
大清兵以是年五月己巳渡江辛卯夜由崧走
趨得功軍也壬辰土山崧母妃奔杭州癸巳由崧
至蕪湖丙申

大兵至南京城北文武皆出降丙午執由崧至南京九
月甲寅以歸京師
沉懷王常治神宗第四子生一歲薨
瑞王常浩神宗第五子初太子未立有三王竝封之旨
蓋謂光宗福王及常浩也尋以羣臣爭遂寢二十九年
東宮立與福惠桂三王同日封常洵以長先之藩常浩
年已二十有五尚未選婚羣臣交章言率不報而日索
部帑爲婚費贏十八萬藏宮中且言冠服不能備天啓
七年之藩漢中崇禎時流寇劇封地當賊衝七年上書
言臣託先帝骨肉獲蒙西藩未幾年而寇至比西賊再

渡河關入漢興破海陽逼興安紫陽平利白河相繼陷
沒督臣洪承疇單騎裹甲出入萬山賊始敗遁臣捐犒
軍振飢銀七千餘兩此時舊臣練國事移兵商洛按臣
范復粹馳赴漢中近境稍寧既而鳳縣再陷蜀賊入秦
州楚賊上興安六月遂犯郡界幸諸將憑江力拒賊方
稍退臣在萬山絕谷中賊四面至覆亡無日臣肺腑至
親藩封最僻而於寇盜至迫惟陛下哀憐常浩在宮中
衣服禮秩降等好佛不近女色及寇逼秦中將吏不能
救乞師於蜀總兵官侯良柱援之遂奔重慶隴西士大
夫多挈家以從十七年張獻忠陷重慶被執遇害時天

無雲而雷者三從死者甚衆皆以火器善共謀
惠王常潤神宗第六子福王之藩內廷畜積爲空中官
藉諸王冠婚索部帑以實宮中所需輒數十萬珠寶稱
是戶部不能給常潤與弟常瀛年二十皆未選婚其後
兵事亟始滅殺成禮天啓七年之藩荊州崇禎十五年
十二月李自成再破彝陵荆門常潤走湘潭自成入荆
州據之常潤之渡湘也遇風於陵陽磯宮人多漂沒身
僅以免就吉王於長沙十六年八月張獻忠陷長沙常
潤走衡州就桂王衡州繼陷與吉王桂王走永州巡按
御史劉熙祚遣人護三王入廣西以身當賊永州陷熙

祚死之

桂端王常瀛神宗第七子天啓七年之藩衡州崇禎十
六年衡州陷與吉惠二王同走廣西居梧州

大清順治二年

大兵平江南福王就擒在籍尚書陳子壯等將奉常瀛
監國會唐王自立於福建遂寢是年薨於蒼梧世子已
先卒次子安仁王由榔亦未幾卒次由榔崇禎時封永
明王三年八月

大兵取汀州執唐王聿鍵於是兩廣總督丁魁楚廣西
巡撫瞿式耜巡按丁化澄與舊臣呂大器等共推

監國母妃王氏曰吾兒不勝此願更擇可者楚魁等
益堅合謀迎於梧十月十四日監國肇慶以魁楚大器
式耜爲大學士餘授官有差是月擢與於南潯政
大兵取贛州內侍王坤倉卒奉由榔仍走梧州式耜等
力爭乃回肇慶十一月唐王弟聿鏞自閩浮海至粵時
閩舊臣蘇觀生撤兵奔廣州與布政使顧元鏡總兵官
林察等謀立聿鏞僞號紹武與由榔相拒是月由榔亦
自立於肇慶僞號永曆遣兵部侍郎林佳鼎討聿鏞會
大兵由福建取廣州執聿鏞觀生自縊祭酒梁朝鍾太
僕卿霍子衡等俱死肇慶大震王坤復奉由榔走梧州

明年二月由平樂潯州走桂林魁楚棄由榔走岑溪降
於
大軍既而平樂不守由榔大恐會武岡總兵官劉承允
以兵至全州王坤請赴之式耜力諫不聽乃以式耜及
總兵官焦璉留守桂林封陳邦傳為思恩侯守昭平遂
趨承允軍中三月封承允安國公錦衣指揮馬吉翔等
為伯承允挾由榔歸武岡改曰奉天府政事皆決焉是
時長沙衡永皆不守湖廣總督何騰蛟與侍郎嚴起恒
走白牙市六月由榔遣官召騰蛟至密使除承允顧承
允勢盛騰蛟復還白牙

大兵由寶慶趨武岡馬吉翔等挾由榔走靖州承允舉
城降由榔又奔柳州道出古泥總兵官侯性太監龐天
壽帥舟師來迎會天雨飢餓性洪帳甚備九月土舍覃
鳴珂作亂大掠城中矢及山榔舟先是
大兵趨桂林焦璉拒守甚力又廣州有警
大兵東向桂林稍安既而湖南十三鎮將郝永忠盧鼎
等俱奔赴桂林騰蛟亦至而式耜議分地給諸將使各
自為守璉已先復陽朔平不陳邦傳復潯州合兵復梧
州廣西全省略定十二月中榔返桂林五年二月
大兵至靈川郝永忠潰於興安奔還挾由榔走柳州

大兵攻桂林式韜騰蛟拒戰時南昌金聲桓等叛降於
由榔八月由榔至肇慶六年春

大兵下湘潭何騰蛟死明年由榔走梧州是年十二月
大兵入桂林瞿式耜及總督張同敞死焉由榔聞報大
懼自梧州奔南寧時孫可望已據滇黔受封為秦王八
年三月遣兵來衛殺嚴起恒等九年二月可望迎由榔
入安隆所改曰安龍府久之日益窮促聞李定國與可
望有隙遣使密召定國以兵來迎馬吉翔黨於可望偵
知之大學士吳貞毓以下十餘人皆被殺事詳貞毓傳
後二年李定國敗於新會將由安隆入滇可望忠之促

由榔移貴陽就巳由榔故渾行定國至遂奉由榔
南衛走雲南居可望署中封定國晉王可望以妻子
溘未敢動明年由榔遊其壽子還黔遂舉兵與定國
於三分可望將曰文選歸定國軍可望敗挈妻子
赴長沙所不果五月四日破賊以舟來收即日餘共
大軍前降十五年三月公永天劉善精奉由榔
大兵三路入雲南定國阨雞公背斷貴州道別將守七
星關抵生界立營以牽蜀師
大兵出遵義由水西取烏撒守將棄關走李定國連敗
於安隆由榔走永昌明年正月三日

大兵入雲南由榔走騰越定國敗於潞江又走南甸二十六日抵囊木河是爲緬境緬勅從官盡棄兵仗始啓關至蠻莫二月緬以四舟來迎從官自覓舟隨行者六百四十餘人陸行者自故岷王子而下九百餘人期會於緬甸十八日至井亘黔國公沐天波等謀奉山榔走戶獵二河不果五月四日緬復以舟來迎明日發井亘行二日至阿瓦阿瓦者緬酋所居城也又五日至赭徑陸行者緬人悉掠爲奴多自殺惟岷王子八十餘人流入暹羅緬人於赭徑置草屋居由榔遣兵防之十七年定因交遺與緬戰索其主運取緬兵緬終不肯出由榔

十八年五月緬酋弟莽猛白代立給從官渡河盟既至以兵圍之殺沐天波馬吉翔王維恭魏豹等四十有二人詳任國璽傳存者由榔與其屬二十五人十二月大兵臨緬白文選自木邦降定國走景線緬人以由榔父子送

軍前明年四月死於雲南六月李定國卒其子嗣曲等

承思王常溥神宗第八子生二歲薨

光宗七子王太后生熹宗簡王由標王選侍生齊王由楫李選侍生懷王由模劉太后生莊烈皇帝定懿妃生

湘王由栩敬妃生惠王由禧

簡懷王由樸光宗第二子生四歲殤

齊思王由楫光宗第三子生八歲殤

懷惠王由模光宗第四子生五歲殤

湘懷王由栩光宗第六子

惠昭王由禧光宗第七子俱早殤五王皆追加封諡

熹宗三子懷冲太子慈然不詳其所生母皇貴妃范氏

生悼懷太子慈靖容妃任氏生獻懷太子慈炁

懷冲太子慈然熹宗第一子

悼懷太子慈炁熹宗第二子

獻懷太子慈炁熹宗第三子與懷冲悼懷皆殤

莊烈帝七子周皇后生太子慈烜懷隱王慈烜定王

炯田貴妃生永王慈炤悼靈王慈煥悼懷王及皇七子

太子慈烜莊烈帝第一子崇禎二年二月生九月立為

皇太子十年預擇東宮侍班講讀官命禮部尚書姜逢

元詹事姚明恭少詹王鐸屈可伸侍班禮部侍郎方逢

年諭德項煜修撰劉理順編修吳偉業楊廷麟林曾志

講讀編修胡守恒楊士聰校書十一年二月太子出閣

十五年正月開講閣臣條上講儀七月改慈慶宮為端

本宮慈慶懿安皇后所居也時太子年十四議明歲選

婚故先為置宮而移懿安后於仁壽殿既而以寇警暫
停京師陷賊獲太子偽封宋王及賊敗西走太子不知
所終由崧時有自北來稱太子者驗之以為駙馬都尉
王昺孫王之明者偽為之繫獄中南京士民譁然不平
袁繼成及劉良佐黃得功輩皆上疏爭左良玉起兵亦
以救太子為名一時真偽莫能知也由崧既奔太平南
京亂兵擁王之明立之越五日降於我

大清

懷隱王慈烜莊烈帝第二子

定王慈烜莊烈帝第三子崇禎十四年六月諭禮臣朕

第三子年已十齡敬遵禮制宜加王號但既受冊封必
具冕服而會典闕載年十二或十五始行冠禮計齡受
封加冠二禮可竝行乎於是禮臣歷考經傳及本朝典
故以奏定於是歲冊封越二年行冠禮九月封為定王
十一月選新進士為檢討國子助教等官為待詔苑王
講讀官以兩殿中書充侍書十七年京師陷不知所終
永王慈烜莊烈帝第四子崇禎十五年三月封永王賊
陷京師不知所終
悼靈王慈煥莊烈帝第五子生五歲而病帝視之忽云
九蓮菩薩言帝待外戚薄將盡殤諸子遂薨九蓮菩薩

者神宗母孝定李太后也太后好佛宮中像作九蓮座
故云帝念王靈異封爲孺孝悼靈王元機慈應真君命
禮臣議孝和皇太后莊妃懿妃道號禮科給事中李焜
言諸后妃祀奉先殿不可崇邪教以亂徽稱不聽十六
年十二月改封宣顯慈應悼靈王去真君號
悼懷王莊烈帝第六子生二歲殤第七子生三歲殤各
俱無考

贊曰有明諸藩分封而不錫土列爵而不臨民食祿而
不治事蓋矯枉鑿覆所以杜漢晉末大之禍意固善矣
然徒擁虛名坐糜厚祿賢才不克自見知勇無所設施
防閑過峻法制日增出城省墓請而後許一二王不得相
見藩禁嚴密一至於此豈太祖時宗藩備邊軍戎受制
贊儀疎屬且令遍歷各國使通親親然則法網之繁起
自中葉豈太祖衆建屏藩初計哉

明史卷一百二十終

仁祖二女

太祖十六女

福成慶陽二主附

興宗四女

成祖五女

仁宗七女

宣宗二女

英宗八女

景帝一女

憲宗五女

孝宗三女

睿宗二女

世宗五女

穆宗六女

神宗十女

光宗九女

憲宗二女

莊烈帝六女

仁祖二女

太原長公主痘皇后所生嫁王七一早卒洪武三年追

冊并贈七一榮祿大夫駙馬都尉遣使具衣冠改葬於

盱眙

曹國長公主太原主母妹嫁李貞主性純孝助貞理家

尤勤儉早卒貞攜子文忠避兵依太祖於滁陽洪武元

年二月追冊主為孝親公主封貞恩親侯駙馬都尉先

是兵亂主未葬命有司具禮葬於李氏先墓詔曰公主

祠堂碑亭其制悉視功臣之贈爵為王者三年改冊主

隴西長公主五年以文忠貴加冊曹國長公主并進貞

右柱國曹國公貞性孝友恭謹初文忠守嚴州屢以征

伐事出皆委貞權掌軍務文忠克桐廬以所俘卒送嚴
嚴城空虛俘卒謀叛去貞饗其衆醉而縛之以歸應天
太祖嘉之累授官如子爵賜甲第西華門元津橋之西
帝數臨幸太子諸王時往起居親重無與比晚歲尤折
節謙抑嘗曰富貴而忘貧賤君子不爲也十二年冬卒
贈隴西王諡恭獻文忠自有傳

太祖十六女

附福成慶陽二主

臨安公主洪武九年下嫁李祺韓國公善長子也是時
始定公主婚禮先期賜駙馬冠誥竝朝服儀從甚盛主
執婦道甚備祺功臣子帝長婿頗委任之四方水旱每

命祺往振濟二十三年善長坐事死祺已前卒注至永

樂十九年薨

命給水齋將效案人後發東門外於十日

寧國公主孝慈皇后生洪武十一年下嫁梅殷殷字伯
殷汝南侯思祖從子也天性恭謹有謀略便弓馬太祖
十六女諸駙馬中尤愛殷時李文忠以上公典國學而
殷視山東學政賜敕褒美謂殷精通經史堪爲儒宗當
世皆榮之帝春秋高諸王強盛殷嘗受密命輔皇太孫
及燕師日逼惠帝命殷充總兵官鎮守淮安悉心防禦
號令嚴明燕兵破何福軍執諸將平安等遣使假道於
殷以進香爲名殷答曰進香皇考有禁不遵者爲不孝

王大怒復書言今興兵誅君側惡天命有歸非人所能
阻殷割使者耳鼻縱之曰留汝口爲殿下言君臣大義
王爲氣沮而鳳陽守徐安亦拆浮橋絕舟楫以遏燕燕
兵乃涉泗出天長取道揚州王卽帝位殷尚擁兵淮上
帝迫公主齧血爲書投殷殷得書慟哭乃還京旣入見
帝迎勞曰駙馬勞苦殷曰勞而無功耳帝默然永樂二
年都御史陳瑛奏殷畜養亡命與女秀才劉氏朋邪詛
咒帝曰朕自處之因論戶部考定公侯駙馬伯儀仗從
人之數而別命錦衣衛執殷家人送遼東明年冬十月
殷入朝前軍都督僉事譚深錦衣衛指揮趙曦擠殷首

橋下溺死以殷自投水聞都督同知許成發其事帝怒
命法司治深職罪斬之籍其家遣官爲殷治喪諡榮定
而封許成爲永新伯初公主聞殷死謂上果殺殷牽衣
大哭問駙馬安在帝曰爲主跡賊無自苦尋官殷一子
順昌爲中府都督同知景福爲旗手衛指揮使賜公主
書曰駙馬殷雖有過失兒以至親不問比聞溺死兒甚
疑之都督許成來首已加爵賞謀害之人悉置重法特
報妹知之瓦刺灰者降人也事殷久謂深職實殺殷請
於帝斷二人手足剖其腸祭殷遂自經死十二月進封
公主爲寧國長公主宣德九年八月薨年七十一初主

聞成祖舉兵貽書責以大義不答成祖至淮北貽主書命遷居太平門外勿羅兵禍主亦不答然成祖故重主卽位後歲時賜與無算諸王莫敢望殷孫純成化中舉進士知定遠縣忤上官棄歸襲武階爲中都副留守崇寧公主洪武十七年下嫁牛城未幾薨安慶公主寧國主母妹洪武十四年下嫁歐陽倫倫頗不法洪武末茶禁方嚴數遣私人販茶出境所至繹騷雖大吏不敢問有家奴周保者尤橫輒呼有司科民車至數十輛過河橋巡檢司擅捶辱司吏吏不堪以聞帝大怒賜倫死保等皆伏誅

汝寧公主洪武十五年與懷慶大名主先後下嫁而主不嫁陸賈吉女侯仲亨子也

懷慶公主母成祖孫貴妃下嫁王寧寧壽州人旣尚主掌後軍都督府事建文中嘗洩中朝事於燕籍其家繫錦衣衛獄成祖卽位稱寧孝於太祖忠於國家正直不阿橫遭誣構封永春侯子世券寧能詩頗好佛嘗侍帝燕語勸帝誦佛經飯僧爲太祖資福帝不擇自是恩禮漸衰久之坐事下獄見原卒子貞亮官羽林前衛僉事先寧卒宣德十年貞亮子彝援詔書言公主嫡孫當嗣侯不許命以衛僉事帶俸奉主祀寧又有子貞慶工詩

與劉溥等稱十才子
大名公主下嫁李堅堅武涉人父英洪武初為驍騎右
衛指揮僉事從征雲南陣沒贈指揮使堅有才勇既尚
主掌前軍都督府事建文初以左副將軍從伐燕及戰
勝負略相當封灤城侯子世券滹沱河之戰燕卒薛祿
刺堅墮馬被禽械送北平道卒子莊年七歲嗣侯成祖
即位莊父姓名在姦黨中以主故獲宥主懼禍遂納侯
誥券宣德元年主薨莊在南京師事劉溥放浪詩酒以
壽終

子也麟未嗣卒永樂十五年主薨順貞竊為主子
壽若公主洪武十九年下嫁傅忠頴國公友德子也先
是九年三月定制公主未受封者歲給紵絲紗絹布線
已封賜莊田一區歲徵租一千五百石鈔二千貫主為
太祖所愛賜吳江縣田一百三十餘頃皆土腴歲入八
千石踰他主數倍二十一年薨賜明器儀仗以葬
十公主早薨
南康公主洪武二十一年下嫁胡觀東川侯海子也海
嘗以罪奪祿田及觀尚主詔給田如故觀初在選中帝
命黃巖徐宗實教之既婚督課益嚴又為書數千言引

古義相戒勸觀執弟子禮甚恭太祖為大喜建文三年
觀從李景隆北征為燕兵所執永樂初奉使晉府還科
道官劾觀僭乘晉王所賜輿與詔姑宥之已都御史陳
瑛等劾觀強取民間子女又娶娼為妾且言預知李景
隆逆謀陛下也加寬宥絕無悛心宜正其罪遂罷觀朝
請尋自經死宣德中主為子忠乞嗣詔授孝陵衛指揮
僉事進同知正統三年主薨于正百年也二十宣德
永嘉公主母郭惠妃洪武二十二年下嫁郭鎮武定侯
英子也英卒鎮不得嗣宣德十年主乞以子珍嗣語在
英傳景泰六年主薨世宗即位元孫勛有寵為主乞追

諡特賜諡貞懿

十三公主早薨

含山公主母高麗妃韓氏洪武二十七年下嫁尹清建
文初清掌後府都督事先主卒主至天順六年始薨年
八十有二
汝陽公主永嘉主同母妹與含山主同年下嫁謝達達
父彥鳳陽人少育於孫氏冒其姓數從征討有功累官
前軍都督僉事詔復謝姓選其子尚主仁宗即位主以
屬尊與寧國懷慶大名南康永嘉含山寶慶七主皆進
稱大長公主自後諸帝即位公主進封長公主大長公

主皆如制

寶慶公主太祖最幼女下嫁趙輝輝父和以千戶從征安南陣沒輝襲父官先是成祖卽位主甫八歲命仁孝皇后撫之如女永樂十一年輝以千戶守金川門年二十餘狀貌偉麗遂選以尚主主旣爲后所撫裝齋視他主倍渥婚夕特詔皇太子送入邸主性純淑宣德八年薨輝至成化十二年始卒凡事六朝歷堂南京都督及宗人府事家故豪侈姬妾至百餘人享有富貴者六十餘年壽九十

福成公主南昌王女母王氏嫁王克恭克恭嘗爲福建

行省參政後改福州衛指揮使

慶陽公主蒙城王女嫁黃琛琛本名寶武昌人以帳前參隨舍人擢兵馬副指揮太祖愛其謹厚配以王女累從征討積功至龍江翼守禦千戶洪武元年冊兩王女爲公主授克恭琛爲駙馬都尉遷琛淮安衛指揮使四年三月禮官上言皇姪女宜改封郡主克恭琛當上駙馬都尉詔帝曰朕惟姪女二人不忍遽加降奪其稱公主駙馬如故公主歲給祿米五百石視他主減三之二駙馬止食本官俸擢琛中都留守卒官子鉉至都督僉事主至建文時改封慶成郡主燕師南下主嘗詣軍中

議和蓋成祖從姊或謂福成慶陽皆太祖從姊者誤也
興宗四女

江都公主洪武二十七年下嫁耿璿長興侯炳文子也
累官前軍都督僉事主為懿文太子長女初稱江都郡
主建文元年進公主璿為駙馬都尉炳文之伐燕也璿
嘗勸直搗北平會炳文罷歸謀不用永樂初稱疾不出
坐罪死主復降為郡主憂卒下可然友下平冊兩上
宜倫郡主永樂十五年下嫁于禮下可然友下平冊兩上
三女無考下可然友下平冊兩上
南平郡主未下嫁永樂十年薨追冊下可然友下平冊兩上

成祖五女其帝庶弟申赫其家顯赫皆坐罪如彭越不
永安公主下嫁袁容容壽州人父洪以開國功臣都督
洪武二十八年選容為燕府儀賓配永安郡主燕兵起
有戰守功永樂元年進郡主為公主容駙馬都尉再論
功封廣平侯祿一千五百石子世券凡車駕巡幸皆命
容居守初都指揮欵台乘馬過容門容怒其不下箠之
幾死帝聞之賜趙王高燧書曰自洪武來往來駙馬門
者未聞令下馬也昔晉王敦為駙馬縱恣暴橫卒以滅
亡汝其以書示容令械辱欵台之人送京師容由是斂
戢十五年主薨停容侯祿宣宗即位復故卒贈沂國公

明史紀事本末 卷一百一十一 列傳 九
諡忠穆子貞嗣卒無子庶弟瑄正統初乞嗣帝曰容封
以公主恩禎嗣以公主子瑄庶子可長陵衛指揮僉事
天順元年詔復侯爵卒弟琇成化十五年嗣卒姪輅乞
嗣侯言官持不可帝曰詔書許子孫嗣輅容孫也輅後
母嗣仍世衛僉事輅卒子夔弘治間乞嗣侯不許
永平公主下嫁李讓讓舒城人與袁容同歲選爲燕府
儀賓燕兵起帥府兵執謝貴等取大寧戰白溝河有功
署掌北平布政司事佐仁宗居守其父申官留守左衛
指揮同知惠帝欲誘致讓曰讓來吾宥爾父讓不從力
戰破平安兵帝遂殺申籍其家姻族皆坐死或徙邊永

樂元年進讓駙馬都尉封富陽侯食祿千石掌北平行
部事卒贈景國公諡恭敏子茂芳嗣侯仁宗卽位以茂
芳母子在先帝時有逆謀廢爲庶人追奪其父讓并三
代誥券毀之是年茂芳死正統九年主薨天順元年詔
與茂芳子興伯爵卒成化間授與子欽長陵衛指揮僉
事興公主薨是年主薨
安成公主文皇后生成祖卽位下嫁宋璠西寧侯晟子
也正統八年主薨
咸寧公主安成主同母妹永樂九年下嫁宋瑛瑛弟也
襲西寧侯正統五年主薨十四年瑛與武進伯朱冕禦

也先於陽和戰死

常寧公主下嫁沐昕西平侯英子主恭慎有禮通孝經

女則正統六年薨年二十二

仁宗七女

嘉興公主昭皇后生宣德三年下嫁井源正統四年薨

後十年源死土木之難

慶都公主宣德三年下嫁焦敬正統五年薨

清河公主宣德四年下嫁李銘八年薨

真定公主母李賢妃與清河主同年下嫁王誼景泰元

年薨

德安公主早薨仁宗即位之十月與蘄王瞻眼同日進

封論博簡冊辭謂第四女蓋早薨名次未定也又五女

延平公主六女德慶公主俱未下嫁薨

宣宗三女

順德公主正統二年下嫁石璟璟昌黎人天順五年曹

欽反璟帥衆殺賊禽其黨脫脫詔獎勞成化十四年奉

祀南京踰年卒

常德公主章皇后生正統五年下嫁薛桓成化六年薨

英宗八女

重慶公主與憲宗同母天順五年下嫁周景景子德彰

安陽人好學能書英宗愛之間燕遊幸多從憲宗立命掌宗人府事居官廉慎詩書之外無所好主事舅姑甚孝衣履多手製歲時拜謁如家人禮景每早朝主必親起視飲食主之賢近世未有也弘治八年景卒又四年主薨年五十四子賢歷官都指揮僉事有聲

嘉善公主母王惠妃成化二年下嫁王增兵部尚書驥孫也弘治十二年薨

淳安公主成化二年下嫁張震震行醇謹正德中劉瑾下獄詔廷訊有問者瑾輒持其人附已廷臣無敢詰震厲聲曰我皇家至戚應不附爾趣獄卒考掠之瑾乃服

并以是知名嘉靖中卒贈太保謚康僖

崇德公主母楊安妃成化二年下嫁楊偉興濟伯善孫

地弘治二年薨

廣德公主母萬宸妃成化八年下嫁樊凱二十年八月

薨

宣興公主母魏德妃成化九年下嫁馬誠正德九年薨

隆慶公主母高淑妃成化九年下嫁游泰十五年薨

嘉祥公主母妃劉氏成化十三年下嫁黃鏞後六年薨

景帝一女

固安公主英宗復辟降稱郡主成化時年已長憲宗以

閣臣奏五年十一月下嫁王憲禮儀視公主以故尚書
蹇義賜第賜之

憲宗五女

仁和公主弘治二年下嫁齊世美嘉靖二十三年薨

永康公主弘治六年下嫁崔元元代州人世宗入繼以
迎立功封京山侯給詔券禮部言奉迎乃臣子之分遽
膺封爵無故事帝曰永樂初年太宗入繼大統駙馬都
尉王寧以羽戴功封永春侯何得言無故事給事中底
蘊御史高越等連章論其不可皆不聽已坐張延齡事
下詔獄尋釋元好交文士拯聲譽寵幸優渥助臣戚畹

莫敢望焉嘉靖二十八年卒贈左柱國太傅兼太子太
傅諡榮恭駙馬封侯贈官不以軍功自元始主先元薨
德清公主弘治九年下嫁林岳岳字鎮卿應天人少習
舉子業奉母孝撫弟繼極友愛主亦有賢行事姑如齊
民禮岳卒於正德十三年主婦居三十一年始薨

長泰公主成化二十三年薨追冊

仙遊公主弘治五年薨追冊

孝宗三女

太康公主弘治十一年薨未下嫁

永福公主嘉靖二年下嫁鄔景和景和崑山人嘗奉旨

直西苑撰元文以不諳元理辭帝不悅時有事清馥殿
在直諸臣俱行釐祝禮景和不俟禮成而出已而賞賚
諸臣景和與焉疏言無功受賞懼增罪戾乞容辭免俾
洗心滌慮以効他日馬革裹尸啣環結草之報帝大怒
謂詛咒失人臣禮削職歸原籍時主已薨矣三十五年
入賀聖誕畢因言臣自五世祖寄籍錦衣衛世居北地
今被罪南徙不勝犬馬戀主之私扶服入賀退而私省
公主墳墓邱封翳然荆棘不剪臣切自念狐死尚正首
邱臣託命貴主獨與逝者魂魄相弔於數千里外不得
春秋祭掃拊心傷悔五內崩裂臣之罪重不敢祈恩惟

陛下幸哀故主使得寄籍原衛長與相依死無所恨帝
憐而許之隆慶二年復官卒贈少保諡榮簡

永淳公主下嫁謝詔

睿宗二女

長寧公主早薨

善化公主早薨嘉靖四年二主同日追冊

世宗五女

常安公主未下嫁嘉靖二十八年薨追冊

思柔公主後常安主二月薨年十二追冊

寧安公主嘉靖三十四年下嫁李和

歸善公主嘉靖二十三年薨追冊葬祭視太康主

嘉善公主嘉靖三十六年下嫁許從誠四十二年薨

穆宗六女

蓬萊公主早薨

太和公主早薨隆慶元年與蓬萊主同日追冊

壽陽公主萬曆九年下嫁侯拱辰國本議起拱辰掌宗

人府亦具疏力爭卒贈太傅諡榮康

永寧公主下嫁梁邦端萬曆三十五年薨

瑞安公主神宗同母妹萬曆十三年下嫁萬煒崇禎時

主累加大長公主所產子及庶子長祚弘祚皆官都督

煒官至太傅管宗人府印嘗以親臣侍經筵每文華進

講佩刀入直李建泰西征命煒以太牢告廟年七十餘

矣國變同子長祚死於賊弘祚投水死長祚妻李氏亦

赴井死

延慶公主萬曆十五年下嫁于昂昂嘗救御史劉光復

彌帝怒削職光宗立復官

神宗十女

榮昌公主萬曆二十四年下嫁楊春元四十四年春元

卒久之主薨

壽寧公主二十七年下嫁冉興讓主為神宗所愛命五

日一來朝恩澤異他主崇禎時洛陽失守莊烈帝命與讓同太監王裕民給事中葉高標往慰福世子於河北都城陷與讓死於賊

靜樂雲和雲夢靈邱仙居泰順香山天台八公主皆世追冊

光宗九女

懷淑公主七歲而薨追冊餘五女皆早世未封

寧德公主下嫁劉有福

遂平公主天啓七年下嫁齊贊元崇禎末贊元奔南京

主前薨

樂安公主下嫁鞏永固永固字洪圖宛平人好讀書負才氣崇禎十六年二月帝召公侯伯於德政殿言祖制勛臣駙馬入監讀書習武經弓馬諸臣各有子弟否成國公朱純臣定國公徐允禎等皆以幼對而永固獨上疏請肄業太學帝褒答之總督趙光抃以邊事繫獄特疏申救又請復建文皇帝廟諡事雖未行時論譴焉甲申春賊破宣大李邦華請太子南遷爲異議所格及事急帝密召永固及新樂侯劉文炳護行叩頭言親臣不藏甲臣等難以空手搏賊皆相向涕泣十九日都城陷時公主已薨未葬永固以黃繩縛子女五人繫柩旁曰

此帝甥也不可汗賊手舉劍自刎闔室自焚死

熹宗二女皆早世

莊烈帝六女

坤儀公主周皇后生追諡

長平公主年十六帝選周顯尚士將婚以寇警暫停城

陷帝入壽寧宮主牽帝衣哭帝曰汝何故生我家以劍

揮斫之斷左臂又斫昭仁公主於昭仁殿越五日長平

主復甦

大清順治二年上書言九死一臣妾踟躕高天願髡縮空

王稍中罔極

詔不許命顯復尚故主土田邸第金錢車馬錫予有加主

涕泣踰年病卒

賜葬廣寧門外餘三女皆早世無考

郭子興

韓林兒

郭子興其先曹州人父郭公少以日者術遊定遠曹州

福輒中邑富人有警女無所歸郭公乃娶之家日益壯

生三子子興其仲也始生郭公卜之吉及長任俠喜

客會元政亂子興散家資椎牛酹酒與壯士結納至

十二年春集少年數千人襲濠州太祖往從之門者

疑其謀執以告子興子興奇太祖狀貌解縛與語收帳

此帝甥也不可汗賊手舉劍自刎聞至自焚死

熹宗二女皆早世

莊烈帝六女

坤儀公主周皇后生道諡

長平公主年十六帝選周顯尚士將婚以寇警暫停城

陷帝入壽寧宮主棄帝衣哭帝曰汝何故生我家以刻

揮斫之斷左臂又斫昭仁公主於昭仁殿越五日長平

恩葬貴寧門外繪三文皆早世無答

帝立命平賊卒

帝不指命醮野尚姑主土田烟業金錢車馬錢千餘財主

明史卷一百二十二 列傳第廿二 郭子興

總裁官總理事務 經筵講官保泰李太保保和殿大學士兼管都察院都御史張廷玉等奏

敕修 其效益顯存各代其琳表之野以土大亦修

郭子興 郭子興 郭子興 郭子興 郭子興

郭子興其先曹州人父郭公少以日者術遊定遠言禍

福輒中邑富人有瞽女無所歸郭公乃娶之家日益饒

生三子子興其仲也始生郭公卜之吉及長任俠喜賓

客會元政亂子興散家資椎牛醢酒與壯士結納至正

十二年春集少年數千人襲濠州太祖往從之門者

疑其謀執以告子興子興奇太祖狀貌解縛與語收帳

下爲十夫長數從戰有功子興喜其次妻小張夫人亦指目太祖曰此異人也乃妻以所撫馬公女是爲孝慈高皇后始子興同起事者孫德崖等四人與子興而五各稱元帥不相下四人者粗而憊日剽掠子興意輕之四人不悅合謀傾子興子興以是多家居不視事太祖乘閒說曰彼日益合我益離久之必爲所制子興不能從也元師破徐州徐帥彭大趙均用帥餘衆奔濠德崖等以其故盜魁有名乃共推奉之使居已上大有智數子興與相厚而薄均用於是德崖等譖諸均用曰子興知有彭將軍耳不知有將軍也均用怒乘閒執子興幽

諸德崖家太祖自他部歸大驚急帥子興二子訴於大
大曰吾在孰敢魚肉而翁者與太祖偕詣德崖家破械
出子興挾之歸元師圍濠州乃釋故憾共城守五閱月
圍解大均用皆自稱王而子興及德崖等爲元帥如故
未幾大死子早住領其衆均用專狠益甚挾子興攻盱
眙泗州將害之太祖已取滁乃遣人說均用曰大王窮
迫時郭公開門延納德至厚也大王不能報反聽細人
言圖之自剪羽翼失豪傑心竊爲大王不取且其部曲
猶衆殺之得無悔乎均用聞太祖兵甚盛心憚之太祖
又使人賂其左右子興用是得免乃將其所部萬餘就

太祖於滁子興爲人梟悍善鬪而性悻直少容方事急輒從太祖謀議親信如左右手事解卽信讒疎太祖大祖左右任事者悉召之去稍奪太祖兵柄太祖事子興愈謹將士有所獻孝慈皇后輒以貽子興妻子興至滁欲據以自王太祖曰滁四面皆山舟楫商旅不通非可言夕安者也子興乃已及取和州子興命太祖統諸將守其地德崖饑就食和境求駐軍城中太祖納之有讒於子興者子興夜至和太祖來謁子興怒甚不與語太祖曰德崖嘗困公宜爲備子興默然德崖聞子興至謀引去前營已發德崖方留視後軍而其軍與子興軍鬪

多死者子興執德崖太祖亦爲德崖軍所執子興聞之大驚立遣徐達往代太祖縱德崖還德崖軍釋太祖達亦脫歸子興憾德崖甚將甘心焉以太祖故強釋之邑邑不樂未幾發病卒歸葬滁州子興三子長子前戰死次天敘天爵子興死韓林兒檄天敘爲都元帥張天祐及太祖副之天祐子興婦弟也太祖渡江天敘天祐引兵攻集慶陳瑊先叛俱被殺林兒復以天爵爲中書右丞已而太祖爲平章政事天爵失職怨望久之謀不利於太祖誅死子興後遂絕有一女小張夫人出者事太祖爲惠妃生蜀谷代三王洪武三年追封子興爲滁陽

王詔有司建廟用中牢祀復其鄰宥氏世世守王墓十
六年太祖手書于興事蹟命太常丞張來儀文其碑滁
人郭老舍者宣德中以滁陽王親朝京師弘治中有郭
琥自言四世祖老舍滁陽王第四子子冠帶奉祀已爲
宥氏所訐禮官言滁陽王祀典太祖所定曰無後廟碑
昭然老舍非滁陽王子奪奉祀天始爲滁王祠建天廟
韓林兒欒城人或言李氏子也其先世以白蓮會燒香
惑衆謫徙永年元末林兒父山童鼓妖言謂天下當大
亂彌勒佛下生河南江淮間愚民多信之潁州人劉福
通與其黨杜遵道羅文素盛文郁等復言山童宋徽宗

天世孫當主中國乃殺白馬黑牛誓告天地謀起兵以
紅巾爲號至正十一年五月事覺福通等遽入潁州反
而山童爲吏所捕誅林兒與母楊氏逃武安山中福通
據宋臯破羅山上蔡真陽確山犯葉舞陽陷汝寧光息
衆至十餘萬元兵不能禦時徐壽輝等起斬黃布王三
孟海馬等起湘漢芝蔴李起豐沛而郭子興亦據濠應
之時皆謂之紅軍亦稱香軍十五年二月福通物色林
兒得諸碭山夾河迎至亳僭稱皇帝又號小明王建國
曰宋建元龍鳳拆鹿邑太清宮材治宮闕於亳尊楊氏
爲皇太后遵道文郁爲丞相福通文素平章政事劉六

知樞密院事劉六者福通弟也遵道寵用事福通嫉之
陰命甲士拋殺遵道自爲丞相加大保事權一歸福通
旣而元師大敗福通於太康進圍亳福通挾林兒走安
豐未幾兵復盛遣其黨分道畧地十七年李武崔德陷
商州遂破武關以圖關中而毛貴陷膠萊益都濱州山
東郡邑多下是年六月福通帥衆攻汴梁且分軍三道
關先生破頭潘馮長身沙劉二王士誠趨晉冀白不信
大刀敖李喜喜趨關中毛貴出山東北犯勢銳甚田豐
者元鎮守黃河義兵萬戶也叛附福通陷濟寧尋敗走
其秋福通兵陷大名遂自曹濮陷衛輝白不信大刀敖

李喜喜陷興元遂入鳳翔屢爲察罕帖木兒李思齊所
破走入蜀十八年田豐復陷東平濟寧東昌益都廣平
順德毛貴亦數敗元兵陷清滄據長蘆鎮尋陷濟南益
引兵北殺宣慰使董搏霄於南皮陷薊州犯涿州畧柳
林以逼大都順帝徵四方兵入衛議欲遷都避其鋒大
臣諫乃止貴旋被元兵擊敗還據濟南而福通出沒河
南北五月攻下汴梁守將竹貞遁去遂迎林兒都焉關
先生破頭潘等又分其軍爲二一出絳州一出沁州踰
太行破遼潞遂陷冀寧攻保定不克陷完州掠大同興
和塞外諸郡至陷上都毀諸宮殿轉掠遼陽抵高麗十

九年陷遼陽殺懿州路總管呂震順帝以上都宮闕盡廢自此不復北巡李喜喜餘黨復陷寧夏畧靈武諸邊地是時承平久州郡皆無守備長吏聞賊來輒棄城遁以故所至無不摧破然林兒本起盜賊無大志又聽命福通徒擁虛名諸將在外者率不遵約束所過焚劫至啖老弱爲糧且皆福通故等夷福通亦不能制兵雖盛威令不行數攻下城邑元兵亦數從其後復之不能守惟毛貴稍有智畧其破濟南也立賓興院選用元故官姬宗周等分守諸路又於萊州立屯田三百六十所每屯相距三十里造輓運大車百輛凡官民田十取其二

多所規畫故得據山東者二年及察罕帖木兒數被賊蓋復關隴是年五月大發秦晉之師會汴城下屯杏花營諸軍環城而壘林兒兵出戰輒敗嬰城守百餘日食將盡福通計無所出挾林兒從百騎開東門遁還安豐後宮官屬子女及符璽印章寶貨盡沒於察罕時毛貴已爲其黨趙琦用所殺有續繼祖者又殺均用所部自相攻擊獨田豐據東平勢稍強二十年關先生等陷大寧復犯上都田豐陷保定元遣使招之被殺王士誠又躡晉冀元將李羅敗之於臺州遂入東平與豐合福通嘗責李武崔德逗撓將罪之二十一年夏兩人叛去降

於李思齊時李喜喜關先生等東西轉戰已多走死餘黨自高麗還寇上都孛羅復擊降之而察罕既取汴梁遂遣孛羅討東平魯降田豐王士誠乘勝定山東惟陳孫頭者獨守益都不下與福通遙爲聲援二十二年六月豐士誠乘間刺殺察罕入益都元以兵柄付擴廓圍城數重孫頭等告急福通自安豐引兵赴援遇元師於火星埠大敗走還元兵急攻益都穴地道以入殺豐士誠而械送孫頭於京師林兒勢大窘明年張士誠將呂珍圍安豐林兒急於太祖太祖曰安豐破則士誠益強遂親帥師往而珍已入城殺福通太祖擊走珍

以林兒歸居之滁州明年太祖爲吳王又二年林兒卒或曰太祖命廖永忠迎林兒歸應天至瓜步覆舟沉於江云初太祖駐和陽郭子興卒林兒牒子興子天敘爲都元帥張天祐爲右副元帥太祖爲左副元帥時太祖以孤軍保一城而林兒稱宋後四方響應遂用其年號以令軍中林兒歿始以明年爲吳元年其年遣大將軍定中原順帝北走距林兒亡僅歲餘林兒僭號凡十二年其年號亦太祖贊日元之末季羣雄蜂起子興據有濠州地偏勢弱然有明基業實肇於滁陽一旅子興之封王祀廟食報久

